

BELIEVERSEASTERNCHURCH
ORTHODOX

LECTIONARY

Robibar Salrango aro Gipin
DintangmanchagipaSalrango
Sastro Poraiani 2024–2025

Imprimatur

Metropolitan, Believers Eastern Church

Copyright © 2024

Prepared by

Synodal Department of Liturgics and Catechization

All rights reserved. No portion of this book may be reproduced
in any form without prior written permission from the
publisher.

Believers Eastern Church World Headquarters
St Thomas Community, Kuttapuzha P.O.
Thiruvalla - 689 103, Kerala

Price: ` 00.00

Printed in India.

KATTA BICHONGRANG

1. Aganchengani	5
2. Sastro Poraianirang	6
3. Mondolini Calendar	65
4. Dingtangmanchagipa Salrang	72

AGANCHENGANI

Pagipa, Degipa, aro Gisik Rongtalgipa, chongmotgipa Isolni bimungo. Amen.✠

Believers Eastern Churchni poraina, skie ra·na aro Isolni kattako skie on·ani pangchakani niam ong·a. Ian Watatarangni aro Mondolini Pagitchamrangni an·chingko ja·rikchina on·ani giminsan ong·ja, indiba Isolni Kattani bilakani gimin aro an·chingni janggirangko gital dakna aro dingtangatna miksongani gimin ong·a.

Janggirangko ning·oniko apalona dingtangatna Isolni Katta bil gnan. “Maina Isolni katta tanga, bimchipa, matsramnggipa pilak tonualna bate matbata, janggi aro gisikko, aro biritchu aro geuko dingtangataona kingking su·pua, aro ka·tongni chanchia aro mangsongako uininga” (Ibriangna 4:12).

Rongtalgipa Sastro rongtalgipa niamo tangna an·chingko dakchaka, aro ua an·chingna ka·donganiko aro bebera·aniko on·a. “Indide bebera·a knaaoni ong·a, aro knaara Kristoni kattachi ong·a” (Romrangna 10:17). An·ching jeko poraia aro skie ra·a aro uako an·chingni parishrango skijringaniara nangchongmotgipa ong·a.

Lectionaryara Sastroni bakrangko kadime Robibaro olakiano aro dingtangmanchagipa salrango jakkalna suale bimang pilatgimin ong·a. Indake Isolni kattako tik somoio tik bakko poraina aro skie ra·na an·chingko re·diligipa ong·aha.

Angni bi·ani ian ia lectionaryan·chingni pilak parishrangko an·senge, bilake rakichina aro an·chingni uianiko kena gnan Isol baksa re·rurana dakchakchina.

Pagipani, Degipani aro Gisik Rongtalgipani Patiani na·simang baksa dongchina. Amen.✠

✠ Moran Mor Samuel Theophilus Church World Headquarters
Metropolitan 29October2024

3 November2024 1^{gipa}Robibar MondolikoRongtalatani(<i>KoodhoshEetho</i>)			
SastroPoraianirang			
Isaia 6:1–8	Gitrang43	1Korinthirangna 3:16,17;6:15–20	Mati 16:13–23
Gospel Theme:Jisuan Kristo, Isolni De <i>Iani miksonganiara maia?</i> Uara sawa ong·a ine gipinrangni sing·ani jamano, Jisu an·tangni sninggiparango ua apsan sing·aniko sing·aha. Pitor Isolni parapeanichi chongmotko agana man·aha aro ia bebera·ani chongmotgipa ku·rachakanio Mondoliko rikgen ine Jisu aganaha. Indake jamano, jensalo Jisu an·tangni dukchakgnirangko aganon, uako ma·sina amsokjae, Pitor Satanni chanchianirangko aganaha. <i>Ianiko an·chingmaiko skiera·aha?</i> Jisu sawa uako manderang dingtang dake ma·sigenchimoba, an·chingde bebera·an baksa Jisuan Kristo, tanggipa Isolni Depante ine ku·rachakna nanga! <i>Iako an·ching maidake dakgen?</i> 1. Ia ku·rachakanian Mondolini pangchakani ong·a. 2. Mondolini bak ong·pae,salanti jinma aro an·tangeriba, nokdango bi·anio aro giljaoba Nicene Creedko minge bebera·aniko ku·rachaka. 3. Mamungchiba, siaba Jisuni gimin aro a·gilsakna Uni jokataniko on·aniko aganprakaniko Mondoliko champengna amjawa.			

10 November2024

2gipaRobibar

Mondoliko Pakwatani (*Hoodosh Eetho*)

Sastro Poraianirang

1Rajarang 8:22–40

Gitrang78:1–7

Ibrirangna 9:1–14

Johan 10:22–38

Gospel Theme: Isolni ku·rangko knabo aro Uko ja·rikbo

Iani miksonganiara maia?

Uan nirikgipa ong·a jean uko knatima aro uko jarika uauamangna jringjrotni janggiko on·a ine Jisuni aganoba, bang·arangan, Jisuni aiao inmanpilgipa kamrangko nikgenchimoba uko bebera·ja aro uko knatimja.

Ianiko an·chingmaiko skiera·aha?

Jisuan nama nirikgipa, an·ching Uni ku·rangko knae jarikode jokgen. Uan Isolni De ine parakna a·bachengaonin Pharisirangba Jisuko ro·ong gotatna am·anikoba an·ching ma·siaha.

Iako an·ching maidakedakgen?

1. Jensalo an·ching Isolni kattarangko knaon aro poraion, an·chingara Nirikgipani ku·rangko knatimenga.
2. Knaani miksonganiara, manina; aro manianiara Nirikgipani ku·rango ka·dongani ong·a.
3. Jensalo an·ching Nirikgipani ku·rangko ja·rikon, an·ching ong·gijachi re·angjawa ine ka·donggipa ong·na nanggen.

17 November2024		Parents’Sunday—Special Offering	
3gipaRobibar			
Paraksoani Kari: Johan Napolatgipani Atchianiko Agansoa			
SastroPoraianirang			
Abachenga17:15–22	Gitrang123	2Pitor1:1–15	Luk 1:5–25
Gospel Theme: Isolni ku·rachakanirango ka·dongani <i>Iani miksonganiara maia?</i> Bilsi re·anggimin toromigipa jiksesana bi·sako on·a Isol aiao inmanpile aganchakaha. Bi·sako mai bimung minggen, maikai dalatgen aro manderangna jokataniko ra·bana gita uni kamara maidake ong·gen Isolni sagre aganaha. Indiba pagipa Zakarias bebera·jaha, aro uni bi·sa atchikuja dipet ua ku·ma ong·aha. <i>Ianiko an·ching maiko skie ra·aha?</i> Isol an·tangni aiao inmangipa chinrangchi an·chingni bi·anina aganchaka. Indiba an·chingo bebera·ani dongna nanggen aro an·chingni janggirangna Isolni ku·rachakanirango kam ka·na nanggen. <i>Iako an·ching maidake dakgen?</i> - Sal somoirango ong·na amjawa dake nikoba Isol aiao inmananirangko dakna ama. - Bebera·a gri Isolni namnikgimin ong·na amja ina gita an·ching bebera·ani dongchongmotna nanga [Ibrirangna11:6]. - Isolni ku·rachakanirango kam ka·na gita bebera·ani an·chingko dilna nanga.			

21November2024

THEOTOKOSNI NAPCHATANIKO MANIANI

SastroPoraianirang

Re·ongkata 40:1–5,
9–10

1 Rajarang8:1,3–4,
6–7,9–11

Ibriangna 9:1–7

Luk 10:38–42,
11:27–28

GospelTheme:An·ching tanggipa Isolni torom nokdring ong·a

Iani miksonganiara maia?

Ia Manianian, rongtalgipa mondolini tangkamgipa dakbewal ong·a, Rongtalgipa Mariamko uni chonmitingo uni ma·a paani uko Jerusalem torom noko pakwataniko gisik ra·e maniani ong·a.

Ianiko an·ching maiko skie ra·aha?

Uamangni mikchetanikochu·sokate, Ama Mariamni maa paa uko Jerusalem torom nokona rimange, jeon Zakaris kamal uko ra·chaksoe aro uko Josephna ku·pakujana kingking uano Isolna dangdike on·aniko an·ching skia man·aha.

Iako an·ching maidake dakgen?

1. Mariamni maa paa uko Isolni kamna pakwata gita, an·chingba maa paa ong·e ua apsan skani dongna nanga.
2. Ama Mariamni janggi tangani gimin chanchina ian namgipa somoi ong·a– dingtangmancha uni chu·gimik Isolni kattako manina tariani gimin.
3. Ia manianiko Krismasna jasa skang manibarongaha, ian an·chingna Kristoni atchianiko nisona dakchaka(Krismas).

24 November 2024 4^{gipa}Robibar Paraksoani Kari: Jisuni atchianiko Mariamna uiata			
SastroPoraianirang			
Abachenga 28:10–22	Gitrang40:5–10	Ibrirangna2:14–18	Luk 1:26–38
Gospel Theme: Manian baksa aganchakani <i>Iani miksonganiara maia?</i> Gabriel sagreko Galilini metra Mariamona mande jatna dalbatgipa koborko uiatna gita watataha. Uni aganchakaniara Isolna manianian ong·a. <i>Ianiko an·ching maiko skie ra·aha?</i> Bebera·ani, maniani aro rongtale janggi tanganini Mariaman dalbatgipa dakmesokani ong·a, maina ua ong·na amgijaniko uigenchimoba,ua jekon sagre una aganahachim uko bebra·aha aro Isolni skanina an·tangko on·kangaha. <i>Iako an·ching maidake dakgen?</i> - An·ching namen mandera·a aro Patia man·gipa Ama Mariam ine okama! - Isolo ka·dongna aro indake aganna–‘Nang·ni namnika gita angna ong·china.’ - Ama Mariamni janggi Kristona ong·soa gita, an·chingni janggirangba Kristona ong·angchina.			

1 December 2024

5^{gipa}Robibar

Paraksoani Kari: Mariamni Elisabethko grongani

SastoPoraianirang

Toe Skiani31:10–31

Gitrang 80:1–7,
17-19

IPitor3:1–7

Luk 1:39–56

Gospel Theme: Patia gningipa ong·na patiako man·ani

Iani miksonganiara maia?

Ia seanio Elisabeth baksa Ama Mariamni gronggrikani gimin ong·a. Iano Ama Mariam katchinikani gitko ring·a, ua aiao inmingipa oko keanina Isolna rasongko on·aha. Dal·a kamrangko dakgipa Isolna ua an·tangko bamataha aro rasongko on·aha.

Ianiko an·chingmaiko skiera·aha?

Maina Ama Mariamara Isolni ku·rachakanio bebera·aha aro uko ra·chakaha, Ama Mariam daode pilak chasongrangonan patiani ong·aha.

Iako an·ching maidake dakgen?

1. Jensalo Isol Uni ku·rachakaniko chu·sokaton, Uko mingnamna gualnabe.
2. Patiako man·gipa Ama Mariamko okamon an·ching ia bako agansoaniko chu·sokata.
3. Jisu Kristochi jokataniko on·e dal·batsranggipa boksisko on·aninaIsolna pilak rasongko on·a sakgipinrangna agana ian dal·batsranggipa kari ong·a!

8 December 2024

Children’s Sunday—*Special Offering*

6^{gipa}Robibar

Paraksoani Kari: Johan Napolatgipa atchiani (Forerunner)

SastroPoraianirang

I Samuel 1:20–28

Gitrang127:1–5

Ephesus 6:1–4

Luk 1:57–80

Gospel Theme: An·chingni janggi manderangna Kristoko me·sokgipa ong·china

Iani miksonganiara maia?

Zakarias aro Elisabethna Isolni ku·rachaka chu·soka, Zakariasni kusikko oaha aro uamang bi·sako Johan mingaha–miksonganide ‘Isolni ka·sachakani.’Aro uko dingtangmancha okamanina, Johan Napolatgipa manderangoni dingtange, dingtangmanchagipa kamna tarie dalba·aha.

Ianiko an·ching maiko skiera·aha?

Isol an·tangni ku·rachakaniko chu·sokata aro ua Isolni okamaniara Uni dingtangmanchagipa miksonganiona seokna tarisoaniko an·ching iano skianiko man·aha. Aro ua miksonganiara Johan Napolatgipa ong·na, jean Jisuna skang re·soe ramako tarisoaha.

Iako an·ching maidakedakgen?

1. Bi·sarangara Isolni ong·aonin, maa paarang Isolni skia gita uamangko dal·atna nanga.

2. Maa paa ong·e, an·chingni bi·sarang bang·arangko jokatania rimbana man·a gita uamang an·tangtangni janggirangko on·kanggipa ong·china uamangna bi·na nanga.

3. Kattachi aro kamchi jokatani ramako mesokgipa–Johan gita an·chingni kamba ong·na nanga.

15 December 2024

7^{gipa}Robibar

Josephna Parakani

Sastro Poraianirang

Isaia 45:18–25

Gitrang126

1Pitor 2:11–17

Mati1:18–25

Gospel Theme: An·ching katta manion Isolni mangsongani chu·soka

Iani miksonganiara maia?

Bia ka·na skangan Mariam oko dongaha ine Joseph knaahaon, Gitelni sagre Mariamko galgija uko an·tangni jikgipa ine ra·china aganaha. Indake ua Mariamni bisara ramramari ong·ja indiba Gisik Rongtalgipaonisa oko keaha ine uina amsokpilgijaniko parakaha.

Ianiko an·ching maiko skie ra·aha?

Jisuni atchina bilsa 600 skangan, Isaia katchinikgipa Metrani Jokatgipako an·pakani gimin katchinike aganaha. Dao tik somoio, ku·rachakani chu·sokaha. Isol An·tangni ku·rachakaniko chu·sokatgen ine an·ching gisik ra·na nanga.

Iako an·ching maidake dakgen?

1. Josephni Isolko maniaha gita, an·chingba Uni aganarangko uijaoba jekon Isol agana ukon an·chingba manina nanga.
2. Ka·dongbo;jamanchakaha ine an·ching chanchigenoba Isol An·tangni ku·rachakanirangko chu·sokatgen.
3. Bebera·gipa ong·bo; chakchikgipa ong·na skie ra·bo.

22 December 2024		Robibar Krismasna Skang	
8gipaRobibar			
SastroPoraianirang			
Isaia11:1–9	Gitrang89:1–4, 19–26	Watatarang 3:16–26	Johan1:1–14
Gospel Theme: Isol mande jato ra·aha <i>Iani miksonganiara maia?</i> Ian chugimik Rongtalgipa Sastroo namen nangchongmotgipako segipa ong·a. Ua Kattaan – Jisu, jringjrotna Isolni Depante, an·ching gita chugimik mandeni bimangko ra·aha aro mande baksa dongrimaha ine an·chingna agana [Immanuel–Isol an·ching baksa]. <i>Ianiko an·ching maiko skie ra·aha?</i> Jisu chugimikan (100%) Isol ong·a aro apsan somoio chugimik (100%) mandeba ong·a ine an·ching iano uiaha. An·ching rasong gnange Jisuko, a·gilsakni senganiko, an·chingni janggio, Isolni janggio bak man·pana aro indake Isolni De ong·na ra·chakna man·aniko ui·aha. <i>Iako an·ching maidake dakgen?</i> 1. Jisu mande ong·aniko nikna Nama Kattako poraibo – Ua maikai dongaha aro maiarangko dakaha. 2. Da·alo an·ching gipinrangna Jisuko parapegipa ong·a; Uni daka gita hai an·chingba dakpana. 3. Da·onaba bang·arangan gisikni gita andalanio dongkuenga. Isolni seng·ani uamangni ka·tongrangona teng·suangchina dondikgija bi·bo.			

25 December 2024

**JISU KRISTONI ATCHIANIKO MANIANI—KRISMAS
(Yeldo)**

SastroPoraianirang

Isaia 9:1–7

Gitrang96

Ibbrangna1:1–12

Mati2:1–12

Gospel Theme: Jokatani ku·rachakaniko Isol chu·sokata

Iani miksonganiara maia?

Mande ong·e atchie Isol maidake Mandeni bimangona napaha uko an·ching mania – Jisu Kristo.

Ianiko an·ching maiko skie ra·aha?

Jisu bi·sani bimango mande jatna jokataniko Isolni ku·rachakaniko chu·sokatani gimin an·ching skia man·aha. Jisuni atchianiko serikaniara Isolni dongpaani baksa ong·a – matchu chikongo Bethlehemo bisani atchiara katchinike agananiko chu·sokatenga, aski jean salaramoni uigipa manderangko uamangni on·ani baksa rimbaaha, uamangko dingtang rama gita re·angpilnaba dilangaha, sagre jean bakrao mes nirikgiparangna uiataha aro Jisu bi·sako namgijagipa rajaoniko bil gnange chelchake rakiaha.

Iako an·ching maidake dakgen?

1. Krismas kario, indake agane salam ka·grika–‘Kristo atchiaha’ aro indake agnchaka ‘Una rasong ong·china.’
2. Krismas manianiara an·chingna aro pilak mandejatna maiko dakahachim una katchaa.
3. Krismasni gimin sakgipinna agana ia cholko ra·bo–chongmot dake kattachi aro kamchi.

29 December 2024		Krismas jaman	
		skanggipaRobibar	
9gipaRobibar			
SastroPoraianirang			
Abachenga37:12–28	Gitrang148	1Korinthirangna 10:1–13	Mati 2:9–15,19–23
Gospel Theme: Isolni dila gita ja·rikbo <i>Iani miksonganiara maia?</i> Iano Jisuni chonmitingo namgijagipani uko sootna mangsongaoniko maikai Isol champengaha uani gimin ong·a aro iarang pilakchi, Jisu chengo Messiahni gimin katchinike agansoaniko chu·sokataha. <i>Ianiko an·ching maiko skie ra·aha?</i> Jegitaba bobilrang jotton ka·china, Isolni mangsongani aro miksonganiko champengna amjaha. Isol an·tangni ku·rachakanikosan chu·sokataija, indiba jechin Uni ku·rachakaniko chu·sokatgenchim uamangko chelchake rakia. <i>Iako an·ching maidake dakgen?</i> - Isolni mesokaniko jarikbo, uigipa manderang gita aro a·gilsako Jisuni pagipa Joseph gita. - Maa paarang, dingtangmancha pagiparang, maina uamango uamangni dedrangko chelchakna daito gnang dingtangmancha uamangni dambemitingo,namedake Isolchiko knatimna nanga. - Isolni chelchakanio ka·dongbo: an·tangna, nang·ni nokdangna, aro nang·ni dedrangna.			

5 January 2025		Krismas jaman Gnigipa Robibar	
10 ^{gipa} Robibar			
SastroPoraianirang			
Isaia 26:1–12	Gitrang85	Ibriangna11:23–31	Luk 2:40–52
Gospel Theme: Isolni aro Mandeni namnikanio dal·roroani			
Iani miksonganiara maia?			
Uamangni dakbewal gita Watchangani Alaniko mania jaman, Jisuni nokdang Jisu bisa uamang baksa donggijako uie salsani jamanosa re·bapilaha. Maa paa Uko Isolni torom nokoniko nikeaha, uniko knaenggiparangko Uni uianichi jajrengatengachim. Jisu bi·sa Uni maa paarang baksa re·bapilaha aro Isolni aro Mandeni ka·saanio dalroroaha.			
Ianiko an·ching maiko skie ra·aha?			
Jisu An·tangni janggini mangsonganiko rongtalen ma·sia; Uni uianirang jagokmanpilanirang ong·genchimoba, Ua on·kange aro indake Isolni aro Mandeni ka·saanio dalroroaha.			
Iako an·ching maidake dakgen?			
1. An·chingni janggirangni gimin jerangkon bilgnange donaha an·ching uamangna bamna nanga.Toatna gita: Bisarang maa paana.			
2. Bil gnanggiparangna on·kange dal·roroaniara Isol an·tang baksa ba aro manderang baksaba Isolni ka·sachakaniko ra·baa.			
3. Jisu gita, an·ching jeoba ong·china,an·ching Pagipani kam ka·anio bak dongpana nanga – jean pilaknan jokatani kattako ra·baa.			

6 January 2025, Sombar AN·CHINGNI GITELNI MANDERANGNA PARAKANIKO MANIANI (<i>Denho</i>)			
SastroPoraianirang			
Isaia 12:1–6	Gitrang 29	Ibriirangna10:15–25	Mati3:1–17
Gospel Theme: Pilak dakgiminrangko Jisuo gital dakani <i>Iani miksonganiara maia?</i> Ia maniani Johan napolatgipani jakchi Kristoni Jordan chibimao napolaniko mania. <i>Ianiko an·ching maiko skie ra·aha?</i> Jisu sawa, aro Jisuan Isolni depante ine manderangna Isol an·tangan parakatahaniko an·ching skie ra·a. Jean a·gilsakni paprangko an·tango ra·gen Isolni Mes Bi·sa ong·na re·baaha uakoba an·ching skie man·aha. Jisuni napolmitingon pilak dakgiminrangba dingtangatako man·aha. <i>Iako an·ching maidake dakgen?</i> - Chiko patiani: manimitingo, chi ra·chakanioniko ong·oba ba chibima, chiring aro pokri ong·genchimoba kamal chirangko patia. Ia patigimin chiko nokrangko patina jakkala. - Nokrangko patiani: Kamal rongtalgipa chiko(patigimin chi) jakkale nokona re·ange nokko aro noko donggiparangko aro an·chingkoba patia. Ia indakachi an·chingni nok aro mondoli baksa gisikni nangrimaniko a·bachengata. - Chichi rongtalate aro Myronchi mohor su·ako man·e, Gisik Rongtalgipani dongpaanichi napolataniko man·anichi an·ching Isolni nokdangni manderang ong·baaha.			

12 January 2025

Theophany jaman
Skanggipa Robibar

11^{gipa}Robibar

SastroPoraianirang

Isaia 49:7–13

Gitrang91

Ephesus1:3–14

Mati4:1–22

Gospel Theme: Dakmajaoaniko Cheani

Iani miksonganiara maia?

Ia bako, Jisu Sastroni bilchi diabolni dakmajaoaniko cheaha. Jamano Jisu manderangko gisik pil·china okame Uni a·gilsakni dangdike on·aniko a·bachengaha aro Uni skanggipa sninggipako‘Uko jarikchina okamaha.’

Ianiko an·ching maiko skie ra·aha?

Jisuko gitan an·chingba dakmajoako man·gen, aro an·chingni bebera·aniko dake nigen. Indiba Jisu gita Sastroni bilchi chena nangen.

Iako an·ching maidake dakgen?

1. Knatimaniko, poraianiko, skie ra·aniko, chanchibewalaniko aro Sastroko mikosto ka·aniko ranta ong·atbo.
2. Dakmajoa sokbaon, Isolni kattako ra·chimongbo, aro uko ku·rachakbo.Uarangan namgijagipani ra·bagipa dakmajaoaniko chena bilakbegipa warachakani ong·a.
3. Ua Jisuo donga gitan, Sastro an·chingko uina dakchakgen aro diabolni tolnapanioba chadengpana man·gen.

19 January 2025		Theophany jaman Gnigipa Robibar	
12 ^{gipa} Robibar			
SastroPoraianirang			
Isaia 51:1–8	Gitrang139:1–6, 13–18	Ibrirangna1:1–2; 2:1–4	Johan1:43–51
Gospel Theme: Ua an·chingko okamna skangan an·chingko uia <i>Iani miksonganiara maia?</i> Iano maikai Philip ripengtang Nathanaelko Jisuona rimbaaha (jekon Bartholomew ineba minga). <i>Ianiko an·chingmaiko skie ra·aha?</i> Isol an·chingko okamna skangonin an·chingko uia - Jisuni Nathanaelni namgipa katongko uia gita aro Philip uko Jisuona rimbana skangan ua banochim uko nikaha gita. <i>Iako an·ching maidake dakgen?</i> 1. Uamang banonichim uako manderang chanchijaoba Isol jakkalna ama. Nazarethoni Nama ong·katna man·aniko darangba bebera·jaha. 2. Philipko Nathanaelna okamaniko‘re·babo aro nibo’ uan an·ching gimikkon okamani ong·a; an·tangtango Kristoko chatote uina okamani. 3. Philipni ripengtango Jisuona ra·baa gita, manderangkoJisuona rimbana man·a gita cholrangko sandibo.			

26 January 2025

Theophanyni jaman
Gittamgipa Robibar
Clergy Sunday—*Special offering*
13^{gipa}Robibar

Sastro Poraianirang

Jeremia31:1–12

Gitrang 62:5–12

1Korinthirangna
3:16–4:5

Johan3:1–12

Gospel Theme: Gitalgipa atchiani

Iani miksonganiara maia?

Atchitaiachi Isolni songnoko napani ramakoNicodemusna Jisu parapeaha. Jisu agananguaha: atchitaianiara chioniming (napolani) aro gisikoni (Gisik Rongtalgipani on·ani).

Ianiko an·ching maiko skie ra·aha?

Gital Atchianiara gisikni gita ning·tugipa ong·a. Ian an·chingni jokatanina songreani a·bachengani ong·a, jeon an·ching chio napolanio Jisu baksa bakrimpaa [Rom 6:1-10] aro Gisik Rongtalgipani to nonganiko ra·chaka.

Iako an·ching maidake dakgen?

1. Napolanian Isolni Songnokona napani ong·aonin, an·chingni jokataniona songreani a·bachengaha, bilsirangko nigijan an·ching pilakan napolna nanga.

2. Gisik pil·ani aro bebera·ani minggnian an·chingni chio napolanio dongpana nangchongmota.

3. An·ching jerangan Isolni songnoko bak ong·mangiminrang, bang·arangko Isolni de ong·china okamanina aro gital atchianiko chatote uichina daito donggipa ong·na nanga.

2 February 2025

Theophany jaman
Brigipa Robibar

14^{gips}Robibar

KRISTOKO PAKWATANIKO MANIANI (Mayaltho)

Sastro Poraianirang

Isaia 11:1–10

Ibriangna 7:7–17

Ephesus
3:13–21

Luk 2:22–40

Gospel Theme: Isol An·tangna sengsogiparangna An·tangko parapea

Iani miksonganiara maia?

Ia manianio Jisuni atchiaoni sal 40 jamano Jihudirangni dakrongbewal niam gita torom noko Jisuni maa paarangni kamalona ra·baaniko gisik ra·e mania.

Ianiko an·ching maiko skie ra·aha?

Gisik namgiparangna aro Simeon aro Anna gita Uko grongna ka·donge sengsogiparangna an·chingni Gitel An·tangko parakgen ine iano an·chingko gisik ra·ata. Jisuara chugimikan mande aro Ua pilak nangchongmotgipa niamrangko chu·sokate mesokaha.

Iako an·ching maidake dakgen?

1. Churching of women : Bi·sa an·pakani sal 40 jaman, bi·sani aro ma·gipani naljokanina on·anirangko on·china gita, skangni mondolirangmechikrangkogiljaonare·bachinaaganaronga.

2. Atchigital bisa (bakgitchak) ko napolatna taria aro apsan somoio giljao patigimin toko nongna taria. Iachi maa paarang uamangni dedrangara Isolni on·asa ine jinmao parakaniko daka aro indakachi Isolna rasongko ra·baskaa.

3. Mombatiko rabite – Simeonni on·gimin chin gita Kristo gipin jatrangna seng·ani ong·a, kakketgipa ia manianini Rongtalgipa Liturgyko manimitingo mombatirangko rake rim·a.

9 February 2025		Theophany jaman Bongagipa Robibar	
15 ^{gipa} Robibar			
SastroPoraianirang			
Isaia 41:8–20	Gitrang131	2Korinthirangna 4:1–6	Mark1:12–20
Gospel Theme: Jisuni okamanina aganchakani <i>Iani miksonganiara maia?</i> Iano a·gilsakni gita Jisuni dangdike on·a a·bachengani chinko mesoka, jeon Ua gisik pil·china manderangko okame Isolni Songnokni gimin aganpraka aro Uko jarikchina Uni skanggipa sninggipako okama. <i>Ianiko an·ching maiko skie ra·aha?</i> An·tangni skanggipa sninggipa ong·china, poraia skia grigipa ramram mandeko, Isol baseaha. Indioba uamang Kristona aganchakaha aro Uko jarikahani gimin, uamang Watatarang ong·baaha [Ephesus 2:20] jeni kosakon mondolirangko rikaha aro Gisik Rongtalgipan bilchi ‘a·gilsakko dingtangatgipa’ ong·baaha [Watatarang 17:6]. <i>Iako an·ching maidake dakgen?</i> 1. Gisik pil·aniara Jisu baksa an·chingni songreani abachenganisan ong·aia, indiba an·chingni janggi tanganio dondikgija chongmotko ong·atani ong·a. 2. Pilakko wate Jisuko jarikna, Uni okamanina aganchakna an·ching tarina nanga. 3. Isol bang·a changon dal·a kamrangko chusokatna gita ramram manderangko jakkala.			

16 February 2025

16^{gipa}Robibar

Pilak Sianggimin Kamalrang

Sastro Poraianirang

Deuteronomy 34:1–8	Gitrang90	1Thessalonika 4:13–5:11	Mati24:42–51
-----------------------	-----------	----------------------------	--------------

Gospel Theme: Nokgipani Re·bapil·ani

Iani miksonganiara maia?

Nokgipa an·tangni nokni pilak daitorangko nokkolna pakwate re·ongkatangaha. Jamano nokgipa chanchisogijan somoio sokbapile nokkolrangni kamni kri ba kakketani kri boksisko on·aha.

Ianiko an·ching maiko skie ra·aha?

Ia toe agananiara an·chingko mikrakatani ong·a – an·ching pangnan an·chingni nokgipa, Jisu Kristoni re·bapilanina tarie dongna nanga. Uni re·bana ru·utatani an·chingko simsakgijagipa aro namgijagipa ong·atjachina. Batesa, an·chingko kakketgipa aro gisik gnanigipa ong·atchina.

Iako an·ching maidake dakgen?

1. Da·alon Jisu re·bapilgen ingipako chanchianiko ra·bite salantian janggi tangbo.
2. Nokkolko una jekamko ka·donge on·ahachim una kakketgipa aro daito gnanigipa ong·chinasa okamaha.
3. Aratnadakmajoako man·on, an·chingna on·gimin kamna kakket aro bimchipgipa ong·ode, an·chingna boksis donsoenganiko an·tangtangko gisik ra·atpilbo.

23 February 2025

Dal·gipa Lent a·bachengani
Skanggipa Robibar

17^{gipa}Robibar

Pilak Kakketgipa Sianggiminrang

SastroPoraianirang

Isaia 38:10–20

gitrang111

1Korinthirangna
15:20–28

Luk12:32–48

Gospel Theme: An·chingna jeko on·aha uno kakket ong·ani

Iani miksonganiara maia?

An·tangni pilak nokni gamrangni kosako nokkolko nirokchina an·tang bi·a ka·aniona re·anggipa nokgipani gimin Jisu toe agana aro indakpile ua nokkol jesomoioaba aro waltingomangba an·tangni nokgipako rim·chaksona tarie donggipa ong·na nangaha.

Ianiko an·ching maiko skie ra·aha?

An·tangtango sing·na: Jensalo an·chingni nokgipa an·chingni chanchisogijan somoio sokbaahaon, Ua jekon an·chingna on·ahachim uano kakket ong·aniko an·chingoniko nikegenma? Ba Ua arataniko aro gualanikosa nikegenma? An·ching pangnan kangkareo kaaniko kae aro chakirangko ching·ate dongna nanga [Luk12:35].

Iako an·ching maidake dakgen?

1. Gipinrangni daka gita tiktak Jisuni re·bapilani somoiko uina tolnapako man·nabe. Uakode Pagipa mangmangsan uiaia [Mark13:32].
2. An·chingni nokgipa an·ching gimiknan daitorangko on·manaha—maapaa,jik/se,bi·sa, kamka·gipa, kamalrang aro gipin dake. Hai an·ching uako kakket ong·e chu·sokatna.
3. Jerangan an·chingni nokgipako uia, an·ching simsakbatna nanga. Nokgipani nangnikaniko uieba dakkujaode, an·chingni sastide batgen.

DAL·GIPA LENTNI A·BACHENGANI			
2 March 2025		Dal·gipa Lentni Skanggipa Robibar 18 ^{gipa} SRobibar	
Sastro Poraianirang			
Isaia 58:5–14	Gitrang50:1–6	Kolossirangna3:1–17	Johan2:1–11
Gospel Theme: Jisu dukoniko katchaaniona ong·ata <i>Iani miksonganiara maia?</i> Bia ka·anio jeon Jisuni sninggiparang aro Uni Ma·gipaba dongpaachim, Jisu chiko draka bitchi pil·ataha, bang·arangkon Uo bebera·atna gita man·aha. <i>Ianiko an·ching maiko skie ra·aha?</i> An·chigni chanchisogijanirang an·chingni janggi tanganio ong·on Jisu aiao inmananiko dakna gita ama, aro ua a·selrangko dingtangate katchaaniona ong·atna ama. Dakronga gitade, namgipa draka bitchiko ong·atnade bang·a bilsirangko nangachim, indiba Jisunade chiko drakabit chipilatna dikdiksa somoikosan nangaiaha. <i>Iako an·ching maidakedakgen?</i> 1. Chanchisogijagipa sinjetani aro dukni somoio, aiao inmananiko dakna Jisuo ka·dongbo. 2. An·chingni janggi tanganio katchaaniko ra·bapilna Jisuo ka·dongbo. 3. Aiao inmananichi an·chingko Jisuona me·sokata aro Uko bebera·na man·a gita an·chingko dakchaka.			

9 March 2025

**Dal·gipa Lentni
Gnigipa Robibar
(Konchiko An·sengatani)**

19^{gipa}Robibar

SastroPoraianirang

2 Rajarang 5:1–14

Gitrang51:1–17

Romrangna 3:27–4:5

Luk 4:40–41,
5:12–16

Gospel Theme: Galchipa man·gipako Jisu gipaka

Iani miksonganiara maia?

Iano Jisu saksa konchiko an·sengata, jean jamano bang·a manderangko Jisuko knatimchina aro an·sengatako man·china dilbagipa bilakbegipa saki ong·baaha.

Ianiko an·chingmaiko skie ra·aha?

Jisu sakantikon rimchaksoa aro gipaksoa; dingtangmancha manderangni jegala man·giparangko. Jisuni konchirangko dangtape an·sengataniko an·chingnika, indake Isolni ka·saniko aro sakantina simsakaniko mesoka.

Iako an·ching maidake dakgen?

1. Songo noko galchipa man·giparangko sandibo – kangalrang, segrirang, konchirang, nokgrirang aro skani grigiparang; hai uamangko Jisuni ka·saachi dangtapna.
2. Maiko Isol an·chingna dakahachim hai uana an·ching bilakgipa sakiko on·a.
3. Jensalo sakgipinrangna dangdike on·on, an·chingba uamangna Jisu ong·baa.

16 March 2025		Dal·gipa Lentni Gittamggipa Robibar (An·magokako An·sengatani) 20 ^{gipa} Robibar	
Sastro Poraianirang			
2 Rajarang 2:1–11	Gitrang22:23–31	Romrangna 5:1–11	Mark2:1–12
Gospel Theme:Jisu paprangko kema wata aro an·chingni bimangko an·sengata <i>Iani miksonganiara maia?</i> Sakbri ripengrang an·ma goka ong·e sagipako Jisuona ra·baa.Ua uni paprangko wata aro uko an·sengata. Ia aiao inmananina bang·arangan aiao inmantokaha, mitamrangde Jisu paprangko maikai kema watna ama jajrengtokaha. <i>Ianiko an·ching maiko skie ra·aha?</i> An·tango bebera·ani aro sakgipinrang nang·o bebera·ani, Isolni jokatani aro an·sengataniko ra·chakna nangchongmotgipa ong·a. Kristo an·chingni be·enrangko an·sengatna mangmang ia a·gilsakona re·baja, indiba an·chingni paprangko kema ka·na aro janggirangko an·sengatnaba re·baa. <i>Iako an·ching maidake dakgen?</i> 1. An·ma goka ong·gipa mandeni sakbri ripengrangni uko Jisuona ra·bana bang·a champenganirangko cheaha gita, an·chingba badita sakgipinrangko Kristoona salbana man·a ua gita dakbo. 2. An·ching sakgipinrangna bebera·ani aro ka·dongani dongna nanga – uamangni an·sengani aro jokatanina. 3. Isolni an·sengatani kamara—be·en, janggi, aro gisik pilakkon ong·a.			

23 March 2025

Dal·gipa Lentni
Brigipa Robibar
(Kannan Mechikko an·sengatani)
21^{gipa}Robibar

Sastro Poraianirang

Isaia 56:1–7	Gitrang19	Romrangna 7:14–25	Mati15:21–28
--------------	-----------	----------------------	--------------

Gospel Theme: Dal·gipa bebera·aniko mesokani

Iani miksonganiara maia?

Saksa magipa jeni demechikan namgijagipa gisikchi saknaataniko man·engachim ua uni demechikna ka·sachakanina aro an·sengatanina Jisuona re·baaha. Kristo an·sengatna man·a ine uni ning·tue bebera·aniko Jisu de·mitelaha.

Ianiko an·ching maiko skie ra·aha?

Isol pangnan an·chingni bebera·aniko namnika [Ibri. 11:6]. Aro jensalo an·ching Uona bebera·e aro ka·donge sepangba·on, Ua mamung saloba an·chingni bi·aniko aganchakgija watgaljawa aro Ua ka·sachakaniko me·sokchongmotgen.

Iako an·ching maidake dakgen?

1. An·chingni bi·ani aganchakaniko man·jaon, an·ching dontongna nangja. Indiba, iano ia ma·gipani dakmesoka gita, an·ching jotton ka·na nanga.
2. Ua uamangna ka·sachakgen, ine an·chingni ka·sagiparangna Jisuo ka·dongna aro bebera·na nanga.
3. Bi·bo aro bebera·aniko dal·roroatbo, jedakode pilak a·selrangkoba chanchigija Isolo ka·dongna man·gen.

25 March 2025, Mongolbar ISOLNI MA·AKO PARAKANIKO MANIANI (Suboro)			
SastroPoraianirang			
Abachenga 28:10–22	Gitrang 40:5–10	Ibrirangna 2:11–18	Luk1:24–38
Gospel Theme: Katta maniani gisikko bariatani <i>Iani miksonganiara maia?</i> Kristoni atchiani gimin Gabriel sagreni Metra Mariamna uiataniko maniani ong·a – Uni Depanteko watate a·gilsakko piokna Isolni ku·rachakaniko chu·sokatna abachengani ong·a. <i>Ianiko an·ching maiko skie ra·aha?</i> Jokatanian Isolni a·bachengatgipa ong·a. Mande jatko jokatanina parakani aro Mandeni bimangona ong·baaniara Isol An·tangni mangsonganian ong·a. Beben, apsan somoio, Ama Mariam Isolni skaniko ra·chakon, Mandeni uano bak dongpaanikoba nikna man·a. <i>Iako an·ching maidake dakgen?</i> 1. Uni namnikani neng·nikani aro kenchakani ong·oba, Ama Mariamni dal·gipa dakmesokaniko ja·rikbo aro katta maniani gisikko bariatbo. 2. Isol maiko skiahachim uko sontole ra·chakani aro on·kanganiara, jokatani aro patianini rama ong·a. 3. Mandeni ka·paachi Isolni kamko uie–kattachi aro kamchi–a·gilsako Isolni kamo gisik nange bak dongpana gita an·chingko okamaha.			

30March 2025

**Dal·gipa Lentni
Bongagipa Robibar
(Ja·kora Mechikko An·sengatani)
22^{gipa}Robibar**

Sastro Poraianirang

Isaia 50:1–5

Gitrang107:1–3,
17–22

1Pitor3:8–16

Luk 13:10–17

Gospel Theme: An·chingko ka·sachakbegipa ongchina Isol nangnika

Iani miksonganiara maia?

Nengtakani salo Jisu mechikko an·sengata. Jensalo synagogueni sason ka·gipa uamangni dakbewalko Jisuni pe·anina ka·o nange matnangahaon, Jisu ua mandeni cha·chipilaniko parakaha.

Ianiko an·chingmaiko skie ra·aha?

Niam aro sasonrang namoba, uarang an·chingko mikandalatna nangja aro an·chingni samtangtango donggiparangni nangnikanina ja·donggani ong·na nangja. Mandeni chu·sokgipa ong·anide pilak an·chingni gisikni niamrangna miksongani ong·na nanga.

Iako an·ching maidakedakgen?

1. Gisikni niam jedake bi·ani, okumu chakani, aro kangalna on·ani dal·gipa Lentni kario ranta ka·ani, an·chingko sontolgipa ong·atchina. Ka·tongko nie an·tangko chekbo. Ia niamrang nang·ko sakgipinrangnaka·sachakgipaong·atengama?[Mati12:7].
2. Pharisirang gita an·tangko toromi ine gaora daknabe, indiba gisikni gita gaora dakanirangko gisik pilbo aro changsatai chongipa bisarang gita ong·atpilchina Isolo bi·bo, [Mati 18:3].
3. Ia Dal·gipa Lentni kario, mondoli baksa bakrime jesomoioaba gisikni niamrangko ja·rikna nanga.

6 April 2025		Dal·gipa Lentni Dokgipa Robibar (Mikgriko An·sengatani) 23 ^{gipa} Robibar	
Sastro Poraianirang			
Deuteronomy 25:13–16; 26:1–13	Gitrang119:9–16	Ephesus5:1–14	Johan9:1–41
Gospel Theme: Nikaniko On·ani Iani miksonganiara maia? Atchiaoni mikgrigipa mandeko Jisu an·sengata. Ua jamano una Isol maiko dakaha uko bebera·gijagipa Pharisirangna sakiko on·aha. Jaman kitiko Jisu ua mandena An·tangko parakaha. Jeni mikronkon ua nikatahachim. Ianiko an·ching maiko skie ra·aha? Saknaani aro sabisiara pangnande ua saksani aro maa paarangni papni a·sel ong·ja. Ia aiao inmaniko ong·atanichi, Jisuan Isol chongmot ine an·ching nika aro an·sengata man·gipa mandeoniko maidake Kristianni chu·sokgipa saki ong·na nanga ukoba skia man·aha. Iako an·ching maidake dakgen? 1. An·chingni Jisuni sakirang a·rikani aro champenganirangkoba sokbaatnaba donga. 2. Pilak a·selrango Jisuna chadengchakna ka·dongna, Kim·kingipa ong·na, kenmangija ong·na bi·bo. 3. Jedakeba, Isol an·chingna maiko dakaha aganchongmotna nanga, jedakode Jisura maidakgipa ong·manchaa uko sakgipinrangba nikpana man·gen.			

13 April 2025

Hosanna/PalmSunday

24^{gipa}Robibar

PALM SUNDAYNI MANIANI

Sastro Poraianirang

Mika 4:1–5

Gitrang 118:1–2,
19–29

Romrangna 8:18–25

Johan 12:12–19

Gospel Theme: Dangdike on·gipa Raja

Ianimiksonganiara maia?

Gadao gadoe, Jisu Jerusalemo napaha aro mande jinmarang uko kejur bijakrang baksa aro Hosanna ine inchroe Rajako gita rimchaksoaha.

Ianiko an·ching maiko skie ra·aha?

Rongtalgipa antiona re·angna skang, a·gilsako Jisuni janggini bonkamgipa antio, Messiahni gimin katchinike agananiko Jisu chu·sokataha. A·gilsakni gita gipinni sasononiko jokatna re·baa gitasa manderang nichaksoengachim. Indiba a·gilsakni rajarang gita gureo gadoani pal, gadao gadoaniara, An·tangni a·bachengatna re·bagipa jringjrotni Songnokko Jisu mesoksoaha.

Iako an·ching maidake dakgen?

1. Kristo gita hai an·ching saksa sakgipinna bamna aro dangdike on·a. Pilakna bate dal·batgipara pilaknin nokkol ine Ua aganaha aro mesokangaha. Uan an·chingni Dangdike on·gipa Raja.
2. Da·o an·chingko rimchaksoana kusiong·nabe, uarang jamano an·chingni kosako chakatgen. Maina Jisunaba indaken ong·aha.
3. Da·aoni rasongna ka·dongnabe, ba dukrangna jajrengnabe indiba mikkangchi rasongarigipa ka·donganinasa ka·donganiko donbo.

20 April 2025

Easter Sunday
(Kymtho)

25^{gipa}Robibar

EASTERNI MANIANI

Sastro Poraianirang

Watatarang 2:22–36

Gitrang16

1Korinthirangna
15:1–19

Mati 28:1–20

Gospel Theme: Siako Cheani

Iani miksonganiara maia?

Jisuko champengengon aro bebeko donnuna jotton ka·engon Jisuni sninggiparang Uni chakatpilanina aro siani kosako cheanina saki ong·aha. Jamano, Jisu An·tang sninggiparangna Dal·batsranggipa Ge·etaniko on·aha.

Ianiko an·ching maiko skie ra·aha?

Easterni itihaso dal·batsranggipa gisik ra·ani ong·aha—maina Jisu siani kosako cheaha! Chakatpilani gride an·chingni bebera·ani gamchatja [1 Korinthirangna 15:14] aro an·ching pilak a·songrangona re·angna nanganiko, Kristoni chakatpilanian an·chingna ka·donganiko on·aha.

Iako an·ching maidake dakgen?

1. An·ching da·ode sianina kenna nangjaha, maina Jisuan siani kosako cheaha.

2. Ia kario saksa sakgipinko indake agana: Kristo chakatpilaha! Ua tangchapilaha!

3. An·chingo ia ka·dongani donggipako gipinrangna an·ching aganna nangchongmota.

27April2025

Gitalgipa Robibar
Youth Sunday—*Specialoffering*
26^{gipa}Robibar

Sastro Poraianirang

Isaia 40:9–15

Gitrang133

2Timothyna
2:1–13

Johan 20:19–31

Gospel Theme: An·chingni kennaniko aro jajaaniko cheani

Iani miksonganiara maia?

Kene dongenggipa sninggiparangna chakatpilgimin Jisu mikkang paaha. Tom·tomaniko uamangna on·aha, Gisik Rongtalgipani ku·rachakaniko chu·sokataha aro pap watani bilko on·aha. Ua gnigipa changna mikkang pa·e, Thomasni jajaaniko gimaataha, jean Uko‘angni Gitel aro angni Isol’ ine ku·rachakaha.

Ianiko an·ching maiko skie ra·aha?

Chakatgimin Kristoni dongpaani pilak an·chingni kennanirangko chel·ataha. Jisu An·tangni sninggiparangko Uni dangdike on·aniko dakangku·china ge·etaha aro Thomasni jajaaniko bebera·aniko ku·rachakate ning·tubatataha.

Iako an·ching maidake dakgen?

1. An·ching kengipama? Chakatpilgimin Kristo an·ching baksan ine gisik ra·bo![Mati 28:20]

2. An·ching jajagipama? An·ching ku·rachakode bilakbate bebera·aniona Isol sokatna ama.

3. Kenna gnang aro jajaa gnang dakgiparangko, uigija daknabe, onchepnabe, ba chonniknabe. Sninggiparangko gita, Isol uamangko dingtangatna ama aro An·tangni rasongna jakkalna ama.

*Thomas, jajaachim, jamano ua toromna soota mane jean uni janggiko on·chakgipa a·song, Indiako man·chape bang·a a·gilsakni bakrangona Nama Kattako ra·bana Isolni jakkalako man·aha.

4 May 2025		Gitalgipa Robibar jaman Skanggipa Robibar 27 ^{gipa} Robibar	
Sastro Poraianirang			
Joshua 6:9–21	Gitrang4	Ephesusrangna 6:10–24	Johan 21:1–14
Gospel Theme: An·chingko okamanio pangnaba watgalnabe <i>Iani miksonganiara maia?</i> Walgimik natok ame man·jani jamano, chakatgimin Kristo aiao inmanpile natokrangko man·a gita Uni sninggiparangko chekrangko goatchina aganaha aro An·tangko uamangna parakaha. <i>Ianiko an·ching maiko skie ra·aha?</i> Ia aiao inmanani jisuni ka·chenggipa aiao inmanani sninggiparangko gisik ra·ata [Luk 5:1-11] aro indake na·simangko manderangko rimgipa dakatgen ine okamanikoba gisik ra·ata [Mati 4:19]. Natokrangko bang·e man·anian sninggiparangni Isolni Songnokona manderangko rimbaani noksaba ong·a. <i>Iako an·ching maidake dakgen?</i> 1. Nang·ko okamaoni re·pilangna na·a majoaniko man·on, mande rimgipa ong·na okamaniko Jisu an·chingko gisik ra·atpila. 2. Ian an·ching gita, Uni sninggiparang pilak mande jatrangan Jisuni gimin uianiona re·bachina. 3. Kristoni okamaoni re·pilanggimirangna bi·chakbo, jedakode uamang Uni ka·saaniona aro okamaniona re·bapilna man·gen.			

11May 2025

Gitalgipa Robibar jaman
Gnigipa Robibar

28^{gipa}Robibar

Sastro Poraianirang

Watatarang 4:8–21

Gitrang100

Ibrirangna3:1–13

Johan 21:15–22

Gospel Theme: Jisu an·chingko gital daktaia

Iani miksonganiara maia?

Jisu Pitorko gital daktaia jean Uko changgittam jechakahachim [Luk 22:31] aro ua maikai re·baenggipa salrango uni nokgipana an·tang janggiko on·chakgenchim uani giminba katchinike agansoaha.

Ianiko an·chingmaiko skiera·aha?

Jisu sakantikon gital daktaina ska; An·tango jechakgipako mangba gital daktaia aro dal·batsranggipa daitokoba on·a Pitorko Uni mesrangko nirokchina on·aniko an·ching nika. Jisuni ka·saani sakantikon dingtangatna man·a – an·tangni janggikon Nokgipana on·kangna kenmanpilgija, Pitorko dingtangatna man·aha gita.

Iako an·ching maidake dakgen?

1. Darangba Jisuni ka·saani nalsao ong·ja.
2. An·ching gisik pil·ode aro Uni ka·saaniko ra·chakode, Jisuni sninggiparangni apsan mamalona an·chingko ong·atpiltaigen.
3. An·chingni siaonaba, Jisuni kakketgipa saki ong·na gita bi·bo aro bilake kam ka·bo.

18 May 2025		Gitalgipa Robibarni jaman Gittamgpa Robibar 29 ^{gipa} Robibar	
Sastro Poraianirang			
Reongkata34:4–12	Gitrang 22:25–31	1Johan5:13–21	Luk 24:13–35
Gospel Theme:Sastro aro Eucharist Jisuko uibatna an·chingni mikronko oa <i>Iani miksonganiara maia?</i> Em-mauschina re·gipa ramao sakgni sninggipa baksa re·pae, Messiahni bidingo nangchapgipa Sastroko Jisu talatengachim. Jamano uamang baksa Ua pitako pe·aha aro Ua uamangna An·tangko parape·aha. <i>Ianiko an·ching maiko skie ra·aha?</i> Rongtalgipa Sastroko an·ching poraion, knatimon aro chongmotdake skia man·on, uan an·chingko uiatgen aro Kristoona rimbagen. Rongtalgipa Eucharisto an·ching bak ra·on, Jisuko uina an·chingni mikrongrang mikaoatako man·gen inakoba an·ching skia man·aha. <i>Iako an·ching maidake dakgen?</i> 1. Rongtalgipa Sastroko poraina, knatimna aro skie ra·na ranta dongna nanggen. 2. Ua sakgni sninggiparang gita, an·ching ka·donggija aro jajaengon, Rongtalgipa Sastroko poraina mesoke on·bo. Ian an·chingko uiatgen aro Jisuko mesokgen. 3. Rongtalgipa Eucharisto an·ching pangnan bak ra·na nanga. Iachin Jisuko uibatna aro Uni Rongtalanio bak man·pana an·chingni mikronrang mikaoatako man·gen [2 Pitor 1:4].			

25 May 2025		Gitalgipa Robibar jaman Brigipa Robibar 30 ^{gipa} Robibar	
Sastro Poraianirang			
Isaia 54:1–8	Gitrang 98	1Pitor 3:17–22	Luk 9:51–62
Gospel Theme: Jisuni sninggipa ong·ani gamchatani <i>Iani miksonganiara maia?</i> Jerusalemona re·ange dukrangko chakna Jisu ka·donge mikkangahaon, sakgittam sninggiparang Uko jarikna skaniko aganaha. Jisu uamangna aganaha Uko jarikna gita maidakgipa gamchataniko ba damko on·skana nang·gen. <i>Ianiko an·chingmaiko skie ra·aha?</i> An·ching Jisuko jarikna skani dongoba, an·ching pangnaba damrangko chanrongja. Indiba sualna amgijagipa kakket ong·ani baksa damrangko chane Uko jarikna on·kanganirangko dakchina iano Jisu ra·bianiko on·enga. <i>Iako an·ching maidake dakgen?</i> 1. A·gilsakni nanganirangni gimin chanchiode, ka·tong gimkchi an·ching Jisuko jarikna man·jawa [vs. 58]. 2. An·chingni ramao mamungba chadengna amjawa, an·chingni maa paarangba an·chingni on·kanganiko chu·sokataniko salrikna amjawa ine uibo [vs. 59]. 3. An·ching an·pilna nangja, indiba ru·utatanigrian re·mikkangna nanga [vs. 61].			

29 May 2025, Bristibar AN·CHINGNI GITELNI SALGICHI DOANGANIKO MANIANI			
Sastro Poraianirang			
Watatarang 1:1–11	Gitrang47	Ephesusrangna 1:15–23	Luk 24:36–53
Gospel Theme: Kristo Uni re·anga gitan re·bapilgen <i>Iani miksonganiara maia?</i> Uni chakatpile sal 40 sninggiparang baksa dongani jaman, an·chingni Gitel Jisu Kristoni salgichi doanganiko gisik ra·e mania. <i>Ianiko an·ching maiko skie ra·aha?</i> Ka·dongani maniani – chakatpilani aro Jisuni salgichi doangani gimin,siako salgini cholguga gita ka·dongsoe an·ching nisoa. Katchaani maniani–Maina bebeni ramao aro janggio an·chingko dilchina an·chingni gisepo dongkamchina Jisu Gisik Rongtalgipako watataha. Sengsoani maniani– Mainaian an·chingko Jisuni gnigipa ra·baaniko gisik ra·ata. Indake an·ching an·tangtangko rongtale rakkina nisengsoa, jedakode Uni re·baahaon, Ua Uni re·baanina kakket ong·e sengsogipa nokkolrang ine changen. <i>Iako an·ching maidakedakgen?</i> 1. Da·ode siana kenna nangjaha! 2. Bilgnanggipa an·chingni Gitel Jisuni sakirang ong·na an·chingko bilakatchina Gisik Rongtalgipao bi·bo. 3. PangnanJisuni gnigipa re·baanina tarie dongsobo.			

1 June 2025		Robibar Pentecostna skang 31 ^{gipa} Robibar	
Sastro Poraianirang			
Joshua 1:5–9	Gitrang1	1Korinthirangna 7:1–2,25–34, 9:1–10	Johan17:13–26
Gospel Theme: Ku·cholsan ong·na bi·ani <i>Iani miksonganiara maia?</i> Jisuko rim·na aro bichalona rimangna skang, Pagipao Ua saksan bi·aha– skanggipa An·tangni sninggiparangna aro sninggiparangchi jemangan Uo bebera·genchim uamangna. <i>Ianiko an·ching maiko skie ra·aha?</i> An·ching Kristianrang ia a·gilsako donggenchimoba, an·ching ia a·gilsakoni ong·ja. Jisuni dal·batsranggipa bi·aniara ian ‘an·ching pilakan saksan onggeng’–uan bebera·giparangni gisepo ku·cholsan ong·ani ong·a; maina gipinrangni Jisuo bebera·na gita uan rama ong·a. <i>Iako an·ching maidake dakgen?</i> 1. A·gilsak Jisuni gimin uina dakchakchina gita an·chingko a·gilsakona watataha [vs. 18]. 2. A·gilsak an·chingko mitchigenoba, namgijgipaoniko Isol an·chingko chelchakgen [vs. 14,15]. 3. Saksa sakgipin baksa nangrimna an·ching jotton ka·na nanga; indakachisa sakgipinrang Jisuko uina man·gen [vs. 21] aro indake an·ching Unin ong·bagen.			

8 June 2025		Pentecost (Easterjamansalsotbonga)	
		Missions Sunday—Special offering	
		32 ^{gipa} Robibar	
Sastro Poraianirang			
Watatarang 2:1–21	Gitrang104:24–34, 35b	Galatiarangna 5:16–26	Johan 16:1–15
Gospel Theme: Gisik Rongtalgipa an·chingni dakchakgipa <i>Iani miksonganiara maia?</i> Jisu Uni sninggiparangna aganaha Ua uamangko watanggen aro Gisik Rongtalgipako watatskagen, jean uamang baksa pangnan dongkamgen [Johan 14:16] aro pilak bebeo uamangko dilanggen [Johan16:13]. <i>Ianiko an·ching maiko skie ra·aha?</i> Gisik Rongtalgipa an·chingni Dakchakgipa – an·chingni ka·dimeatgipa, an·chingni ku·patigipa, aro re·dilgipa ong·a. Gisik Rongtalgipa an·ching baksa dongpaa aro bebeni Gisik ong·a jean Isolko uiata aro a·gilsakna pangchakaniko ra·baa. <i>Iako an·ching maidake dakgen?</i> 1. An·ching Jisuko jarikengon, a·rikanirangkoba nichaksona nangaia [vs 1-3]. 2. An·ching an·tangtangko saksan ine chachiengon, ka·dimeatgipako, Dakchakgipako gisik ra·atbo, Gisik Rongtalgipa pangnan an·ching baksan [vs 6,7]. 3. A·gilsak gimikni, bebeni bilakgipa saki ong·na an·chingko bilakatna gita Gisik Rongtalgipana on·aha [Watatarang 2:11].			

15 June 2025		Pentecost jaman Skanggipa Robibar	
33 ^{gipa} Robibar			
Sastro Poraianirang			
Jeremia29:10–16	Watatarang17:10–15	2Korinthirangna 5:14–6:10	Johan 6:26–35

Gospel Theme: Jisuan jangini cha·ani

Iani miksonganiara maia?

Me·chikma aro bi·sarangko changija mande sak 5000 na pita dotbonga ko alani jamano bang·arangan Jisuko ja·rikaha. Jisu uamangko baikamgipa pitakosa sandichina ge·etaha, uan Ua An·tangko, aro uan salgioni cha·ani, Isolni cha·ani jean a·gilsakna janggiko on·aha ine parakaha.

Ianiko an·ching maiko skie ra·aha?

Chinrang ong·ani jaman sandinabe; batesa jean Jisuko meaokso ua chinrangkosa sandibo. Uosan bebera·bo aro Uasan an·chingni gisikni okrianirangko okkaatgen aro jringjrotna ringna skaniko namatgen.

Iako an·ching maidake dakgen?

1. Patianirangko aro aiao inmananirangko ra·chakon, pilak patiani japang, Gitel Isolko gualnabe.
2. Jisuni jaman jarikbo aro ambo maina Uan jringjrotni janggini ja·pang ong·a.
3. Rongtalgipa Eucharisto pangnan bak ra·bo, maina ia sacramentchin Jisu An·tangko on·aha [Johan6:51,53].

22 June 2025		Pentecost jaman Gnigipa Robibar	
34 ^{gipa} Robibar			
SastroPoraianirang			
Daniel 6:25–28	Watatarang 4:23–31	Ephesusrangna 2:11–22	Mati 10:5–16
Gospel Theme: Aganprakna aro an·sengatna watatani <i>Iani miksonganiara maia?</i> [Luk9:1-6ko nibo] Jisu rongtalen uiataha –maiko ra·na nanga, bachi re·angna nanga, maikai aganchakna nanga, Ua Uni sninggiparangko Isolni Songnokko aganprakchina aro sagiparangko an·sengatchi watate aganaha. <i>Ianiko an·chingmaiko skie ra·aha?</i> Jisuni Kaman aganprakani aro an·sengatnian ong·a. Ian da·o Uni sninggiparang baksa aganprakaha, jekon uamang Jisuoniko ra·chakahachim uko indin gisik cholsan ong·e Isolni a·baona re·angna nangenga. <i>Iako an·ching maidake dakgen?</i> - Jisuni sninggipa ong·e, an·chingni kattachi aro kamchi–aganprakna aro an·sengatna an·chingko okamaha. - An·chingni a·bao an·ching bingbangatako man·a nangja. Isol pilak an·chingni nanganirangna simsakgen. - Tom·tomani aro kema ka·aniko ra·chakgiparangna, an·ching tom·tomani aro kema ka·aniko ra·anga.			

29 June 2025

Pentecost jaman
Gittamgipa Robibar
SeminarySunday—*Specialoffering*
35^{gipa}Robibar

Sastro Poraianirang

Jeremia 3:1–5	Watatarang 3:26–39	Galatirangna 6:10–18	Johan 6:35–46
---------------	--------------------	----------------------	---------------

Gospel Theme: Pagipani skaniko dakna watatani

Iani miksonganiara maia

Iani bako, Pagipani skaniko dakna, Ua sawa mancha ong·achim Jihudirangko jajaate Uan salgioni re·bagipa cha·ani ine Jisu changsatai aganaha.

Ianiko an·ching maiko skie ra·aha?

Jisuan Rongtalgipa; Ua janggiko on·gipa pita, salgioni watatgipa Isolni De ine an·ching skia man·aha. Uni Depante Jisu Kristochi, pilak tangkamgipa janggiko man·anian Pagipa Isolni skani ong·a.

Iako an·ching maidake dakgen?

1. Jisu gita, an·chingni janggini skaniko Pagipani skanio pakwatna nanga.
2. Jisuko nikna aro Uo bebra·na sakgipinrangko dakchakbo – Indake dakachisa uamang jringjrotni janggiko man·a amgen.
3. Rongtalgipa Eucharisni sacramento bak ra·aniara jringjrotni janggiko bilakata aro simsake dal·ata. Eucharisto pita aro draka bitchini bimango Jisu an·chingna An·tangko on·aha.

6 July 2025		Pentecost jaman BrigipaRobibar 36 ^{gipa} Robibar	
Sastro Poraianirang			
Isaia 65:8–12	Watatarang6:1–7	1Korinthirangna 16:14–22	Luk 10:1–16
Gospel Theme: Chongmotgipa Miraani aro Kam ka·gipa <i>Iani miksonganiara maia?</i> Aganprakna aro an·sengatna Jisu An·tangni sninggipa sak 70ko watataha.Ia kamo uamangna kenbegnigipa ong·oba uamang mai maiko rabbitna nangachim uko uamangna aganaha. Kristoko aro Uni kamko jegalgiparangna kenbegnikoba Jisu mikrakate aganaha. <i>Ianiko an·ching maiko skie ra·aha?</i> Mi ragnide bang·a ine Jisu agana (jeni miksonganian nama kattako knana nangengipa aro aganchakna nangengipa a·gilsako bang·a manderangan dongkuenga inani miksongani ong·a). Aro unigimin, mi raaniona bang·a kam ka·giparangko rimbana an·tangtangko on·kange anga re·gen ingipana an·ching bi·na nangenga. Ia kamo, se·elrangni jatchio mesrang gita an·ching re·angenga. <i>Iako an·ching maidake dakgen?</i> 1. Kristoni kamko chu·sokatna bang·bata kam ka·giparangko ong·katatchina dontonggija, kakket ong·e, Isolo bi·bo. 2. A·rikanirangna an·ching tarie dongna nanga unigimin Nama Katta baksa an·chingni agangrikanio gisik seng·gipa ong·bo. 3. Isolni bilakgipa kamko jemangan nikaha aro uiaha, sontolgipa ong·na gisk piljringgipa janggi tanganiko tangdilna gisik ra·bo.			

13 July 2025

Pentecost jaman
Bongagipa Robibar

37^{gipa}Robibar

Sastro Poraianirang

Isaia 40:27–31

Watatarang9:10–18

2Korinthirangna
5:14–20

Luk9:10–17

Gospel Theme: An·chingni chu·onggijanio Isolni Bil

Iani miksonganiara maia?[Johan6:4-14konibo]

Ia pilak kingbri nama kattao aiao inmananirangko serikaniara, mande sak 5000 na (mechikma aro bisarangko manchape) pita dotbonga aro natok manggniko alani ong·a, ian mandeni amsokgijaniko Isolni dakna amaniko tale mesokaha.

Ianiko an·chingmaiko skie ra·aha?

An·ching jensomoio nanganirangko chagrongon aro an·chingora mamung man·anian dongjaengon, an·chingo je dongakon Jisuna on·skabo. Unon an·chingni nanganirangko chagrongna gita Isolni bang·ataniara an·chingni nangana baten gitchapilgen.

Iako an·ching maidake dakgen?

1. Jisu an·chingko dake nigen, jedake an·ching Uo ka·dongama ka·dongja dake nia gita Ua sninggiparangko dake niaha.
2. Jensalo nanganirangko chagrongon, jajrengana bate, Isolo ka·dongbo pilakon mantelaigen.
3. Jensalo sakgipinrangni nanganiko dakchakna gita Isol an·chingko jakkalon, Ua an·chingni nanganirangko dakchakskagen. Sakantini cha·manahaon patchi chigni gitchapilgipako gisik ra·bo.

20 July 2025		Pentecost jaman Dokgipa Robibar	
38 ^{gipa} Robibar			
Sastro Poraianirang			
Isaia 14:22–27	Watatarang1:15–20	1Korinthirangna 8:1–6	Mati 15:32–39
Gospel Theme: Isol an·chingni pilak nanganirangko on·a ama <i>Iani miksonganiara maia?</i> Ia jinmana gnigipa changna alanio, salgittamna uamangni cha·gija donganiko Jisu, nike, pita dotsniko, mechikma aro bisarangko man·chape, mande sak 4000 na ale aiao inmananiko dakaha. <i>Ianiko an·ching maiko skie ra·aha?</i> Jisu an·chingni be·enni gita aro gisikni gita nanganirangna chanchigipa ong·a. Jensalo sninggiparang an·tangtango je dongatokko Jisuna on·ahaon, uamangni nanganirangko on·a gita uan nangana badepilaha. <i>Iako an·ching maidake dakgen?</i> 1. Manderangni Jisu gita apsan ka·sachakanirang donganiko nikna gita bi·bo. 2. An·chingni nanganirangko man·pana gita an·chingo banggijasan dongaigenchimoba ka·donggija ong·nabe. Jerangkon Jisuna on·ahachim uarangko Jisu an·chingni pilak nangniarangko man·atna gita bang·atskagen. 3. An·chingchi Uni sninggiparangni samtangtango donggiparangni nanganiko man·paaniko Jisu nangnika. An·chingara Uni ja·arang aro jakrang ong·a.			

27 July2025

Pentecost jaman
Snigipa Robibar

39^{gipa}Robibar

Sastro Poraianirang

Isaia 57:15–19

Watatarang 4:32–37

Ephesusrangna
2:11–22

Mark 3:20–30

Gospel Theme: Namgijagipa bilrangni kosako Jisuni bil donga

Iani miksonganiara maia?

Koreko Jisuni arikon, korerangni bilchisa ua dakaha ine mitam manderanga ganaha. Koreni songnok maikai an·tangko nisina ama ine Jisu uamango sing·aha, Ua bilakgipa Mandeni rim·gitanganiko naljokatna re·bagipa bilakbatgipa mande ong·a ine Jisu ia agananiko on·aha[Luk 11:21,22].

Ianiko an·ching maiko skie ra·aha?

Jisu, Isolni De, namgijani bilchi kaako man·giparangko engna re·baaha.Indiba indakpile namgipa kamrangko ka·oba, Uni bilko aro Uni miksonganikoba bang·arangan ma·sisretaha.

Iako an·ching maidak edakgen?

1. Namgijagipa bilna an·ching kenna nangja; Jisu Kristoan ua pilak bilrangna bate bilakbata.
2. Namgijagipa gisikchi kaako man·giparang Jisuni bimingo jakgitelatako man·a gita bi·bo.
3. Isolni kamni gimin saoba ma·sisretoba, sing·aniko dakoba ba jegalaniko dakoba ka·donggija ong·nabe.

3 August 2025		Pentecost jaman Chetgipa Robibar	
40 ^{gipa} Robibar			
Sastro Poraianirang			
Isaia 52:1–6	Gitrang 23	1Pitor 2:4–10	Johan 6:47–59
Gospel Theme: Janggiko on·gipa Jisuni Be·en aro An·chi			
<i>Iani miksonganiara maia?</i>			
Iani bako Jisu Rongtalgipa Eucharistni niamni pangchakaniko a·bachengatenga.			
<i>Ianiko an·ching maiko skie ra·aha?</i>			
Rongtalgipa Eucharisto, an·ching namen uie Kristoni be·enko cha·a aro an·chiko ringa. Pitako aro ringaniko pation, ning·tue uina rakbeoba, uarang Kristoni rongtalgipa Be·en aro rongtalgipa An·chi ong·baaha. Aro an·ching ua rongtalatgiminko bebera·an baksa bak ra·engon, ian an·chingko gisikni gita gital dakata aro an·chingna jringjrotni janggiko on·a.			
<i>Iako an·ching maidake dakgen?</i>			
1. Rongtalgipa Eucharistan mondolini a·bachengani japang ong·a. Ian an·chingni jatchio Kristo an·ching baksa dongpaaniba ong·a.			
2. Uni gimin, Rongtalgipa Eucharistko an·ching olgroke ra·na nangja aromamungkoba watchangna nangja.			
3. Hai an·ching re·ongkatna aro gisikni gita siangenggiparangko rimbana, jedakode uamangba Jisuni Be·en aro An·chiko sualanio bak dongpana man·gen.			

6 August 2025, Budbar

AN·CHINGNI GITELNI BIMANG DINGTANG ONG·ANIKO MANIANI

Sastro Poraianirang

Deuteronomy
16:13–17

Gitrang24

1Johan2:23–3:1

Luk 9:27–36

Gospel Theme: Kristo gita Dingtang Ong·baani

Iani miksonganiara maia?

An·chingni Gitel Jisu Kristoni bimang dingtangani, Uni sninggiparangna An·tangni Isol ong·aniko parapeaniko gisik rae maniani.

Ianiko an·ching maiko skie ra·aha?

Ian Jisuni rongtalaniko parapeani ong·a aro Uan Isolni ka·sagipa Depante. Moseni (jean siaha) mikkang pae Jisu baksa agangrikaniko an·ching nika. Mandena sianian bonkamgipa ong·ja ine ian saki, aro rongtalgiparang jemangan Kristoo siaha uamang Isol baksa agangrikenga. Bimang dingtang ong·ani ‘theosisko gisik ra·ata – Jisu Kristoni jagringona dingtanganiona Isol an·chingo kam ka·enga aro mandeni Isol baksa nangrimanina chu·gimikgipa kam ong·a.

Iako an·ching maidake dakgen?

1. Rongtalgipa Eucharisto bak ra·aniara an·chingni bewalko dingtangatna dakchaka.
2. Mondolini dakronggipa jedake bi·ani, okumuchakani aro kanglangna on·ani an·chingni bewalko dingtangatna aro namdapatna dakchaka.
3. Salsao an·ching Isolko mikkang chongchong nikgen ine ka·donge an·chingni janggio nengnikanirang dongoba ka·donge mikkangchakenga.

10 August 2025		Bimang dingtangaoni Skanggipa Robibar	
41 ^{gipa} Robibar			
Sastro Poraianirang			
Deuteronomy 25:13–16	Gitrang 27	Jakob 4:7–5:6	Mati 21:28–32
Gospel Theme: Isolni namnikaniko dakgipa ong·bo			
<i>Iani miksonganiara maia?</i>			
Ia toe agananiara saksa mandeo depante sakgni gnanggipani gimin ong·a. Ua sakgnikon an·tangni draka barrio kam ka·echina aganaha, indiba uamang aganchaka gita dakgija dingtange dakskaaha. Jisu ia toaniko cha·chipilgipa Jihudirangni dalbatgipa kamal aro meaparangko mesokna toe agana jakkalaha.			
<i>Ianiko an·ching maiko skie ra·aha?</i>			
Maikoba altuae agananide chu·onga ong·ja; tik somoio tiktak ong·gipa kamko dakanisa nangchongmotgipa ong·a. ong·ako agangipa, indiba uko dakna amgijagipa – gisikni gita gaora dakgipana bate ka·sachakaniko nanggipa pappirangona Isolni sepanganiko an·ching skia man·a.			
<i>Iako an·ching maidake dakgen?</i>			
1. Hai an·tangtango toromi dake gaora dakjana indiba gisik pil·na aro ka·sachakaniko nanganiko uigipa pappi gita ong·na [Luke 18:13].			
2. Ka·tongo aro bewalo pilak jotton ka·anio bamaniko rakibo [1 Pitor 5: 5(b)].			
3. Hai an·ching Isolni skaniko dakgipa ong·na, uamangsan Salgini Songnoko napna man·aigen [Mati 7:21].			

15 August 2025, Skulbar

**AMA MARIAMNI SIANI ARO SALGICHI DOANGANIKO
MANIANI (Shoonoyo)**

Sastro Poraianirang

Reongkata 3:1–6;
19:16–23

Ezekiel 44:1–3

Ibrirangna 2:14–18;
9:3–12

Luk 11:22–28

Gospel Theme: Sianiara salgini cholgugasan ong·aia

Iani miksonganiara maia?

Ia manianiara Isolni Ma·a‘Ama Mariam’nitusianganiko mania.

Ianiko an·ching maiko skie ra·aha?

Isolni Ma·a Ama Mariamna mondoli badita ka·saa aro mandera·a uako ian gisik ra·ata. Kristoo sigiparangnade, sianiara katchaani ong·a ine uigiparangde siana kenna nangjaha ine an·ching uiaha. Re·anggiminrangko an·ching gualna nangja; indiba uarangko gisiko tange rakina nanga.

Iako an·ching maidake dakgen?

1. Ama Mariamko an·ching mandera·a aro ka·saa–pangnan mondolini dakronga gita, uni bimangko mandera·ate, dal·batsranggipa rongtalgipa ong·a.
2. An·chingni Rongtalgipa Liturgyo aro dingtangmanchagipa salrango rongtalgipa sianggiminrangko gisik ra·e, uamangni kamrangko an·ching tange rakia.
3. Ama Mariam aro an·chingni ka·sagipa Metropolitan, Athanasius Yohan gita pilak an·chingoni re·anggiminrang uamang da·ode Jisu baksa aro uamang an·chingna bi·chakenga.

**MariamkoTheotokosgitaniatpilon–*

jenimiksonganian ‘Isolkorakigipa’,JisuniIsolong·aniaromandeong·anidingtangong·jainean·chingkomangrakat a.Rbatesaminggnibewalgnanggipa,mandesaksan:Isolong·aniaromandeong·ani.JisuaraIsol-mandeong·a.

17 August 2025		Mariamni siani jaman Skanggipa Robibar 42 ^{gipa} Robibar	
Sastro Poraianirang			
1Samuel 8:4–9	Gitrang 34:15–22	Ephesusrangna 6:10–17	Luk 6:39–45
Gospel Theme: Sakgipinrangko bichal ka·nabe,indiba ka·sachakgipa ong·bo <i>Iani miksonganiara maia?</i> Sakgipinrangko bichal ka·jachina indiba an·tangtangkosa bichal ka·china Jisu toaniko aganaha. <i>Ianiko an·ching maiko skie ra·aha?</i> Sakgipinrangko bichal ka·jana gita an·ching skia man·a, maina apsan tochakanion jedake bichal ka·a, an·ching bichal ka·ako man·skagen[Mati7:1]. An·ching kema ka·gipa aro ka·sachakgipa ong·na nanganikoba an·ching skia man·aha. <i>Iako an·ching maidake dakgen?</i> 1. Sakgipinko bi·chal ka·na an·ching dakmajoako man·on, an·ching dondikna nanga aro gisik pilna nanga; maina an·chingara pilak kamo sakgipinko jaksi otaniara dosi gnangani ong·a. 2. Sakgipinko kema ka·na an·ching jaksramgipa ong·na nanga maina Isol an·chingko kema ka·manaha. 3. ‘Jisuni Bi·aniko’ pangnan bi·bo: Gitel Jisu Kristo, Isolni Depante, chinga papirangna ka·sachakbo.			

24 August 2025

Mariamni siani jaman
Gnigipa Robibar
43^{gipa}Robibar

Sastro Poraianirang

A·bachenga 6:3–12	Gitrang12:1–7	1Thessalonikarangna 5:1–11	Luk 11:9–20
-------------------	---------------	-------------------------------	-------------

Gospel Theme: Jotking dake bi·ani

Iani miksonganiara maia?

Bi·ani gimin skiano, an·chingni jotking bi·anina maia nama uana Isol aganchakchongmotgen ine Jisu agana. Kore napgipa mandeko Jisuni an·sengaton, bang·arangan jagokaha, indioba mitamrang koreni bilko jakkalesa korerangko arikenga ine Jisuko matnangaha.

Ianiko an·ching maiko skie ra·aha?

Isolko kusi ong·atani bi·aniko an·ching watgalna nangja. Isolko dake nigiparangni aro uamangni dabanina Isol aganchakja[Luk 11:16] aro Jisu koreko arikaha maina Uara Isolni Depante ong·a.

Iako an·ching maidake dakgen?

1. An·ching pangnaba ka·donggija ong·nabe aro nama kamrangna bi·aniko dontongnabe. Jotkingdakgipa ong·bo.
2. Isolko dake nina Isoloniko chinrangko am·aniko dontongbo; batesa Uni ku·rachakanirango ka·dongbo.
3. Jisuni bimungo manderangna nama kamrangko dakomangba, jegiparangde dongkuaigen.

31 August 2025		Mariamni siani jaman Gittamgipa Robibar 44 ^{gipa} Robibar	
Sastro Poraianirang			
Ezekiel 18:21–24	Gitrang 146	2 Korinthirangna 10:1–7	Mati 17:22–27
Gospel Theme: An·chingni dakgnirangko chu·sokatani <i>Iani miksonganiara maia?</i> Jisu An·tangni duk chakaniko aro sianiko agansoaha. Ua mingsa aiao inmananiko dakaha jedakode Ua Pitorba torom nokna kajina gamaniko gamtelna man·gen. <i>Ianiko an·ching maiko skie ra·aha?</i> Jisu kusi ong·en chisolo sichakaha ine an·ching skie ra·aha. Darangba Uko drajaha; Ua iana tariman·aha. Jisu niam gita dakgnirangna aro niamo kajina gamna nanganirangko orto gri pasikanirangko gelna skaha uni gimin Ua gamtelna nanggipa kajinarangko gamaha. <i>Iako an·ching maidake dakgen?</i> - Jisuan·chingni nanganirangna aro mikkangchini gimin pilakni gitan simsakgipa ong·a. Uan an·chingna uarangko uianiara namen ka·dimeatani ong·a. - Jisu an·chingni kamrangko aro daitorangko chu·sokatna dakchakgen ine ku·rachakaha. An·ching Uo ka·dongnasan nangaia aro pilak chanchianirangko Kristoni uianiona ra·banasan nangaia. - An·ching dakna man·oba, indinari manderangko champengna nangja.			

7 September 2025		Mariamni siani jaman Brigipa Robibar 45 ^{gipa} Robibar	
Sastro Poraianirang			
Reongkata 3:1–6, 11–14	Gitrang 37:1–11	1Korinthirangna 3:16–23	Mati 5:38–48
Gospel Theme: Kakket ong·e re·ruraani			
<i>Iani miksonganiara maia?</i>			
An·chingni tangna nanggipa niamrangni gimin skiengon, ka·sachakani grigipa aro an·chingna ka·saskajaoba, sakgipinrangna ka·saani gamchataniko Jisu mongsonggipa dakatskaha.			
<i>Ianiko an·ching maiko skie ra·aha?</i>			
Namgijako namgijachi jakbikpiljachina, indiba batesa ka·sana aro ka·sachakna nangani gimin an·ching skia man·aha. Indake dakanichi, an·ching Pagipako daksninga aro sronga ramao dalrroa.			
<i>Iako an·ching maidake dakgen?</i>			
1. An·tangko rakina Isolo bi·bo, jedakode kattachi aro kamchi saoba nang·ko gisik saatoba, raka kattachi aro bilchi jakchi na·a ajak sokjawa.			
2. Nang·ko jegalgiparangna Isol patichina gisik nangeI solo bi·bo.			
3. Gisikni niamrang jedake kangalrangna on·ani, Isolo bi·ani, okumu chakanirangko ranta ka·ani [Mati 6:1-18] salgio donggipa an·chingni Pagipa gita ong·bana an·chingko dakchakgen.			

8 September 2025, Sombar MARIAMNI ATCHIANIKO MANIANI			
Sastro Poraianirang			
Abachenga 28:10–17	Ezekiel 43:27–44:4	Philippirangna 2:5–11	Luk1:39–49, 56; 11:27–28
Gospel Theme: Ama Mariam Dal·batgipa toani <i>Iani miksonganiara maia?</i> An·chingna on·rikrikbagipa Rongtalgipa Mondolini dakbewal, an·chingni Gitel Jisu Kristoni ma·gipa, Mariamni atchianiko gisik ra·anikomania. <i>Ianiko an·ching maiko skie ra·aha?</i> Toromigipa aro bilsu brigipa jiksesani bi·anina Isol maikai aganchakaha aro maikai uamang jiksesa ku·rachakgimin bi·sako, Gitelna ka·sae on·ani gita Mariamko pakwataha uko an·ching uiaha. <i>Iako an·ching maidake dakgen?</i> - Ama Mariamni maa paa gita, me·a bias ong·china aro mechik bisa ong·china Isolna aro Uni rongtalgipa mondolina dangdike on·a gita, an·chingni dedrangko on·kangna ian dal·batgipa chol ong·a. - Ama Mariamni janggi tanganio Uni mangsonganirangko ja·rikna an·chingo dal·batgipa mesokani gnan, jean an·ching gita mande ong·e chu·gimik Isolko manina baseaha. - Sakantinan Kristoko mesokgipa Ama Mariam gita – an·chingara tanggipa Isolni torom nokdring ong·baani ong·a.			

14 September 2025

46^{gipa}Robibar

RONGTALGIPA CHISOLNI MANIANI

Sastro Poraianirang

Channani 21:4-9

Gitrang 98:1-5

Galatirangna
2:17 – 3:14

Luk 21:5-28

Gospel Theme: Chisolni cheani

Iani miksonganiara maia?

Ia maniani Gitel Jisu Kristoko datkapna jakkalgipa chisol–itihaso ‘Chongmotgipa Chisol’ ko man·aniko gisik ra·ata.

Ianiko an·chingmaiko skiera·aha?

4gipa centuryo St Helena ni Chongmotgipa Chisolko man·aniko, uano aiao inmanani dongani, Chongmotgipa Chisolko, aro maikai uni depante Constantine Raja rongtalgipa mandeni gopramko rikaha uarangni gimin skiako man·aha.

Iako an·ching maidake dakgen?

1. An·chingni bebera·anio Chisolan abachenggipa chin ong·a, an·ching an·tangtango chisolni chinko daka, an·chingni ganchio chisol donbo (noko aro giljao) aro uarangko ganbo.
2. Chisolan pilak namgijani kosako Isolni cheanini chin ong·enga, pilak a·gilsakni noksikbrionan ia maniani ong·mitingo an·ching chisolko de·doa.
3. An·ching chisolchiko niaton, an·chingna Kristoni duk chakanina an·ching Isolko mitela.
4. Chisolan, an·chingni chisolko ra·e Uko jarikna Kristoni okamaniko an·chingko gisik ra·ata.

21September 2025		Rongtalgipa Chisolni Maniani jaman Skanggipa Robibar 47 ^{gipa} Robibar	
Sastro Poraianirang			
Isaia 1:10–20	Gitrang34	1Korinthirangna 2:10–16	Mark 13:28–37
GospelTheme:Nichaoboarotariedongbo			
<i>Iani miksonganiara maia?</i>			
Kristo re·bapilchongmotgen. Indiba Uni re·bapilani ‘tanggitik’ ong·ani miksonganiara an·ching pangnan ‘mikrake’ aro tarie dongna nangani gimin ong·a.			
<i>Ianiko an·ching maiko skie ra·aha?</i>			
Uni re·baani jamanchakuengani asel, basakoba, an·ching a·gilsaknirangna mikpakma nie bingbangatako [Mati 13: 38,39] aro tarisoani gri dongako man·a [metra sak 10ko toe aganani]. An·chingni janggi tangao arataniko aro an·tango chu·ongnikaniko nokchakna nangja, batesa Uni re·bapilaona kingking Uni kamo kakket aro gisik nanggipa ong·bo.			
<i>Iako an·ching maidake dakgen?</i>			
1. Indake agangiparangchi chabokako man·nabe – Jisu ua salo re·bapilenga!Darangba Uni re·bapilani gimin uija aro uko uina sandianikoba dakna nangja.			
2. Uni ku·rachaka gita, Kristo an·chingko noktangona rimna re·bapilani gimin srange uibo.			
3. Ua re·baahaon, Ua an·chingko kakket dongako nikechina; uni gimin, hai jeko Kristo an·chingko dakchina agana uko dondikgija dake dongna.			

28 September 2025

RongtalgipaChisolni Maniani
jaman Gnigipa Robibar
48^{gipa}Robibar

Sastro Poraianirang

1Rajjarang 3:5–9

Gitrang 19:7–14

1Korinthirangna
2:14–3:9

Mati 16:5–12

Gospel Theme: Skisretgiparangna Simsakbo

Iani miksonganiara maia?

Chachipilgipa Pharisirangni aro Sadukirangni skianichi Uni sninggiparang ong·gija skiachi gisik nangatako man·ani gimin Jisu iano sninggiparangko mikrakataha.

Ianiko an·ching maiko skie ra·aha?

SninggiparangJisu baksa dongkamoba, bebera·ani dongjani gimin, uamangni katong rakatako man·aha, jedakode uamang gisikni gita bebeko uina man·jawa. Ontisa wantian bang·bee nol·gimin moidao piprae chugimik wanti gnanggipa ong·atna man·a, skisretani taraken gipange manderangni janggiko nisiaatna man·anikoba an·ching skia man·aha.

Iako an·ching maidake dakgen?

1. Uni bebeko uina uininggipa aro skia man·gipa ka·tongko on·china Isolo bi·bo.

2. Rongtalgipa Mondolini kakketgipa skianiko ketket rim·na jerangko an·chingna pakwataha-jedakode an·chingni gisik bingbrangatako man·jawa.

3. Tol·eskigiparangko aro uamangni skianirangko nokchaknabe; ong·jaode uamang nang·ko chamikogen [2 Timothy 2:17].

5 October 2025		Rongtalgipa Chisolni Maniani Jaman Gittamgipa Robibar	
SOCSunday—Specialoffering 49gipaRobibar			
SastroPoraianirang			
Toe Skianirang 1:2–9	Gitrang 8	Romrangna 8:1–11	Mark 2:23–28
Gospel Theme: Ka·sachakani niam gita rasongchaani ong·na nanga <i>Iani miksongania ramaia?</i>^[iakobaporaiboMati12:1-14&Luk6:1-11] Pharisirang, jean uamangni toromni niamo ramram dingtangatna man·gijagiparang, Jisuo gualaniko nikaha, maina Uni sninggiparang Sabbathni salo niam pe·aha. Jisu, An·tangan niamko on·gipa, Isolni skanide boli on·ako ong·ja indiba ka·sachakanisa ine uamangko mikrakataha [Mati 12:7]. <i>Ianiko an·ching maiko skie ra·aha?</i> Isolni niamkode manderangko matnangna jakkalna nangja; batesa uarang an·chingko gipinrangni nanganirangna gisik nanggipa ong·atna nanga. Ka·sachakani – namako dakani aro sakgipinrangna aro uamangni nanganirangna gisik nangani, toromni dakna nangchongmotgipako chu·sokataniko skangbatgipa ong·e ra·na nanga. <i>Iako an·ching maidake dakgen?</i> 1. Manderangna ka·sachakbo; uamangni nanganirangna gisik nangbo aro uamangko bichal ka·na ka·singipa ong·bo. 2. Toromni niamko an·chingko mikgriong·atna ba gipinni Nangana simsakgijagipa ong·atna on·abe. 3. An·tangtangko toromi dakgipa Pharisirang gita dakgija Jisuni dakako ja·rikbo.			

12 October 2025		Rongtalgipa Chisolni Maniani jaman BrigipaRobibar 50 ^{gipa} Robibar	
Sastro Poraianirang			
1Rajarang 8:22–30	Gitrang 42	1Korinthirangna 1:21–29	Luk 16:9–18
Gospel Theme: Tangkao kakketgipa ong·bo <i>Iani miksonganiara maia?</i> Tangkani gimin an·chingni chanchiara maikai ong·na nanga aro iara maikai an·chingni janggi tanganio gisikni gita patianirango nangchaka iarangni gimin iano dingtangmancha tangkao an·chingni kakket ong·na nangani gimin agana. <i>Ianiko an·chingmaiko skiera·aha?</i> Tangkani gimin an·chingni chanchiara maikai ong·na nanga aro iara maikai an·chingni janggi tanganio gisikni gita patianirango nangchaka iarangni gimin iano dingtangmancha tangkao an·chingni kakket ong·na nangani gimin agana. <i>Iako an·ching maidake dakgen?</i> 1. Bakchukungni baksako on·na, danrangko on·na, kangalrangna on·na, aro Isolni kamna on·ani aro Isolni pilak on·gimin tangka paisarango kakket ong·bo. 2. Tangkao pangchake an·tangari tik ka·e, tangkani nokkol ong·nabe. 3. Kakket ong·e ripengrangko man·a gita tangkako jakkalbo.			

19 October 2025		Rongtalgipa Chisolni Maniani jaman Bongagipa Robibar 51 ^{gipa} Robibar	
Sastro Poraianirang			
Levirangna 2:1–3	Gitrang 46	1Timothy 6:13–21	Mati 23:1–12
Gospel Theme:Sontolgipako rasong chaatgen <i>Iani miksonganiara maia?</i> Mitamrang uamangni gisikni bilrangko maikai jakkalsreta indiba an·ching Uni sninggiparang ong·e maikai uamangoni dingtang ong·na nanga iani gimin Jisu agana. <i>Ianiko an·ching maiko skie ra·aha?</i> Pilak an·chingni miksonganirangko Isol rongtalen nika aro an·ching Isolni mikrononi jokna man·gijaniko skia man·aha. Uni gimin, an·ching an·tangtangko de·mitelon, ian Uko kusi ong·atja. Maiko Isol namnika uan an·tangko onatani aro dangdike on·a sikgipa ka·tongrangko Isol namnika. <i>Iako an·ching maidake dakgen?</i> 1. Sakgipinrangni nikna mangmang an·ching dakna nangja. 2. Pilak Gisikni bilrang jeko agana uko dakchongmotna nanga. 3. Sontolgipa aro dangdike on·gipa ong·na jotton ka·bo. <i>*Chachipilgipa dilgiparangko pagipa(father) aro skigipa ine aganjachina Jisuni mikrakatgipako ma·sisretnabe. Mondolini skang salrango, Isolni on·gimin bilo – Bishoprangko aro kamalrangkosa pagiparang(fathers) ine agana.*</i>			

26October2025		Rongtalgipa Chisolni Maniani jaman Dokgipa Robibar 52 ^{gipa} Robibar	
Sastro Poraianirang			
Isaia 43:16–25	Gitrang 84	1Korinthirangna 5:6–13	Luk 18:18–27
Gospel Theme: Pilakni kosako Isolko skangbatani <i>Iani miksonganiara maia?</i> Man·e chagipa, pante, toromi sason ka·gipa baksa agangrika, jean kakket ong·e Isolko jarikna skachim, Isolni Songnoko napna gita ua mandeni ramao maia dongkuengachim uko uina Jisu una dakchakaha. <i>Ianiko an·ching maiko skie ra·aha?</i> A·gilsako pilak gamrang dongana bate Isolni Songnoko napanian nangbatgipa ong·a. Indiba an·ching gamrango kachapako man·gen jean an·chingko Isolni Songnoko napaniko champenga. <i>Iako an·ching maidake dakgen?</i> 1. Ge·etanirangko manianide chu·onga ong·ja; indiba Kristoni asel pilakkon watgalna skani dongna nanggen. 2. Gamrang, gadangrang, nokdang, mandera·ako man·ani, jinmarang, poraiani aro pilakkan Isolni jaman gnigipaosa re·bana nanga. 3. Chu·gimik Kristoko ja·rikaniko maiaba an·chingko champengengode, uani kosako chena gita dakchakchina Isolo bi·bo. Isol baksade ong·na amgijani dongja.			

BECMONDOLINICALENDAR:2024-2025

Tarik/Sal	Maninani	Talatani
3 November 2024, Robibar	Mondoliko Rontalatani (KoodhoshEetho)	Liturgical calendar bilsini abachengani. MondolikoRontalatani.
10 November 2024, Robibar	Mondoliko Pakwatani (HoodoshEetho)	MondolikoPakwatani Robibar/Mondoliko gital dakani.
17November 2024, Robibar	Zachariahna Parakatani (SuborehDazkharyo)	Ia Robibar salo Johan napolatgipani atchianiko Zekariana Gabriel sagrechi parakaniko gisik ra·e mania..
21 November 2024, Bristibar	THEOTOKOSNI NAPCHAKATANI	Metra Mariamni chadambe ong·e JerusalemToromnoko napanganiko gisik ra·e maniani ong·a.
24 November2024, Robibar	Theotokosko Parakatani (<i>SuborebDabthalto</i>)	GabrielsagreniMetra Mariamko Jisu Kristoni magipa ong·gen ine uiatani ong·a.
1 December 2024, Robibar	Jisuniatchianiokomu chakani (Sal 25)	Jisuni atchianina tarisoani somoirango okumu chakani.
1 December 2024, Robibar	Mariam Elisabethko gronga(Mezalto)	Mariamni Elisabethko grongani salko mania.
8 December 2024, Robibar	Johan napolatgipani atchiani(Mawlodeb-d-yubanon Mamdono)	Johan napolatgipani atchiani salko mania.

Tarik/Sal	Maniani	Talatani
15 December 2024, Robibar	Josephna parakatani	Gabriel sagreni Mariamoni Jisuni atchigniko uiatani.
18 December2024, Budbar	Thomasko so·otani	Thomaskoso·otanisalko maniani.
25 December 2024, Budbar	KRISTONI ATCHIANIKO MANIANI (Yeldo)	An·chingni Gitelni atchiani/Gitelni mande pile re·baani.
1 January 2025, Budbar	An·chingni Gitelko bigil rasotanikomaniani	Jihudirangni bewalo an·chingni Gitelko bigil rasotaniko aro Uko Jisu ine bimung mingani Salko mania.
6 January 2025, Sombar	AN·CHINGNI GITELKO ON·ANIKO MANIANI(Denho)	Ia maniano Johan napolatgipani jakchi Jordon chibimao Jisuni napolaniko gisik ra·e mania.
7 January 2025, Mongolbar	Johan napolatgipani Sal	Johan Napolatgipako sko ra·sotanikogisik ra·ani sal.
8 January 2025, Budbar	Stephenni Sal	So·otanirangoni gisepo skanggipa deaconrangni padot Stephen so·otaniko gisik ra·ani sal.
18 January 2025, Sonibar	Dal·gipa Athanasius, Alexandriani pagitchamko gisik ra·ani	4gipa centuryo jekon Mondolini Oja ine chanachim aro orthodoxni pagipa ine okamachim ua Alexandriani pagitcham Dal·gipaAthanasiusko gisik ra·ani sal'.

Tarik/Sal	Maniani	Talatani
2 February2025, Sonibar	FEAST OF THE PRESENTATIONOF CHRIST <i>(Mayaltho)</i>	Bakgitchak Jisuko torom nokona ra·baaniko mania.
10 February 2025, Sombar	Nineveh Lent/sal gittamni Lent	Ia okumu chakanio gitcham somoio Jona katchinikgipani kattako knae Neniveh manderangni Isolona an·pilaniko mania .
16 February 2025, Sonibar	Pilak sianggimin kamalrang(Kohne Sunday)	Kakketgipa sianggimin kamalrang uamangni chongmot bebera·aniko aro uamangni RongtalgipaMondolina chongmot dangdikaniko gisikra·a.
23 February 2025, Robibar	Pilak sianggimin kakketgiparang(Aneedé Sunday)	Pilak sianggimin kakketgiparangko gisik ra·ani sal.
2 March 2025, Robibar	Dal·gipa Lentni skanggipa Robibar (PethurthaofttheGreat Lent(KothineSunday)	Dal·gipa Lent Jisuni Kanao aiao inmangipa kamko ka·chengaoni abachenge gisik ra·e mania.
3 March 2025, Sombar	Dal·gipa Lentni skanggipa Sombar	Dal·gipa Lentni kario napangna dakchakna gita Dal·gipa Lentni skanggipa sombar salo nangrimgrikani giljako ka·a.
9 March 2025, Robibar	Dal·gipaLentni Gnigipa Robibar	Konchiko an·sengataniko gisik ra·e maniani sal.

Tarik/Sal	Maniani	Talatani
16 March 2025, Robibar	Dal·gipa Lentni Gittamgipa Robibar (M'haryo Sunday)	An·ma goka ong·gipako an·sengatanikogisik ra·e maniani sal.
23 March 2025, Robibar	Dal·gipa Lentni Brigipa Robibar (Kna'naito Sunday)	Kanaan ni Demechikko an·sengataniko gisk ra·e maniani sal.
25 March 2025, Sombar	METRA MARIAMNA PARAKANIKO MANIANI (Suboro)	Metra Mariamna Jisu Kristoni mandepil·e atchigniko Gabriel sagrechi uiataniko mania.
30 March 2025, Robibar	Dal·gipa Lentni BongagipaRobibar (Kpiptho Sunday)	Janggil komchikgipa mechikmako an·sengataniko gisik ra·e maniani sal.
6 April 2025, Robibar	Dal·gipa Lentni Dokgipa Robibar(Samyo Sunday)	Mikgriko an·sengataniko gisik ra·e maniani sal.
13 April, 2025 Robibar	PALM SUNDAYNI MANIANI	An·chingni Gitelni Jerusalemo rasong chae napaniko gisik ra·e Maniani sal.
16 April 2025, Budbar	RongtalgipaBudbar	Ian Dal·gipa & Rongtalgipa Antini budbar ong·a jeon minggni manianiko mondoli mania Papi mechikni mur tochi Kristoko patiani aro Jihudirang baksa Judasni tik ka·grike uni skigipako palani. Ia attamni giljao, Rongtalgipa To nonganiko bebera·giparango nonga.

Tarik/Sal	Maniani	Talatani
17 April 2025,Bristibar	Rongtalgipa Bristibar	Ian Rongtalgipa antini Bristibar ong·a, jekon Mondoli Kristoni meattamni ning·tuaniko gisik ra·a, jeon Ua pangna jolna Uko gisik ra·china Rongtalgipa Eucharistni Sacramentko abachengataha.
18 April 2025, Skulbar	Rongtalgipa Skulbar (Hasho)	JisuKristoni chisolo sianiko gisik ra·e Maniani sal.
19 April 2025, Sonibar	Rongtalgipa Sonibar	Ian Rongtalgipa antini bonkamgipa sal ong·a aro Lent karini matchotaniba ong·a. Jean Kristoni sigijagipa Be·enkogopramo done, Uni janggi siani a·ningko ra·sekaniko aro uano Nama Kattako aganprakaniko Mondoli gisik ra·ani sal ong·a.
20 April 2025, Robibar	MANIANIRANGNI MANIANI Easter Sunday(Kymtho)	Easter:An·chingni Gitel aro Jokatgipa Jisu Kristoni Chakatpilaniko mania.
27 April 2025,Robibar	Gitalgipa Robibar	Easterni jaman skanggipa Robibar, jensalo mondoli Kristoni Thomasna aro gipin sninggiparangna mikkang pa·aniko gisik ra·a, jeon Ua Uni parirangko uamangna me·sokaha indake Ua Thomasni jajaaniko chel·ataha.

Tarik/Sal	Maniani	Talatani
8 May 2025,Bristibar	AthanasiusYohan 1 Metropolitanko gisik ra·ani sal	Metropolitan, Athanasius YohanInisianiko gisik ra·ani sal, Patigimin Gisik ra·ani.
29 May 2025, Bristibar	AN·CHINGNI GITELNI SALGIONA DOANGANIKO MANIANI(Suloqo)	Jisuni chakatpilani sal 40 jaman Uni salgiona doanganiko gisik ra·emaniani.
8 June 2025, Robibar	PENTECOSTNI MANIANI	Pentecostni salo watatarangona Gisik Rongtalgipani ong·onbaaniko gisik ra·e maniani.
15 June 2025, Robibar	Pentecost jaman sknaggipa Robibar Pilak Rongtalgiparangko maniani	Adamni somoioni jerangan uamangni tanganirangchi Isolko rasong chaataha ua Rongtalgiparangko gisik ra·na ia salko rakiaha.
6 June 2025,Sombar	Watatarangni Lent abachenga	June16oni abachenga aro June 29 o bonea. Iako Watatarangni ja·kolko jarikna ranta ka·aha (Ibri. 13:7)Jean.Mati 9:15. Gitel Jisuni kattarangko chu·sokatna okuku chakaha

Tarik/Sal	Maniani	Talatani
29 June 2025,Robibar	Pitor aro Paulko Maniani	Ia dal·gipa rongtalgipa sakgniko gisik ra·e Watatarangni Lent matchota.
3July 2025, Bristibar	Thomasni Sal	Thomasni janggi tangani kamrangko gisik ra·ani.
5 July 2025, Sonibar	Sotsnigni evangelistrangko maniani	72 sninggiparangko gisik ra·ani.
1 August 2025, Skulbar	Sal15-Dormition Lentni abachenga	August 1oni15, ia somoian kakketgiparang an·tangtangni sianiona tarisoani ong·a maina Isolni magipani sianiara skanian ong·a aro sianiara darangkoba galchangja inako mesokaniong·a.
6 August2025,Budbar	AN·CHINGNI GITELNI BIMANG DINGTANGANI	Tabor Abrio Kristoni bimang dingtanganiko gisik ra·e maniani.
15August2025,Skulbar	ISOLNI MAGIPA MARIAMNI SIANIKO GISIK RA·ANI (<i>Shoonoyo</i>)	An·chingni Gitel Jisu Kristoni ma·gipani sianiko gisik ra·ani.
8September 2025,Sombar	ISOLNIMAGIPA MARIAMNI ATCHIANIKO GISIKRA·ANI	An·chingniGitelJisu Kristoni ma·gipani atchianikogisikra·ani.
14September2025, Robibar	RONGTALGIPA CHISOLNIMANIANI	Constantine Rajani ma·gipa Rongtalgipa Helenni man·gipa an·chingni Gitel aro Jokatgipani chong·motgipachisolko gisik ra·e maniani.

Tarik/Sal	Maniani	Talatani
23October2025, Bristibar	WatataJakobkomaniani	An·chingni Gitel Jisuni jonggipa Rongtalgipa Jakob, Jerusalemmi skanggipaBishopnijanggi tanganikogisikra·ani.

DINGTANGMANCHAGIPASALRANG

Dintangmanchagipa Salrang	Anti	Tarik
Parents’ Sunday	3 ^{gipa} Robibar	17November2024
WomenSunday	5 ^{gipa} Robibar	1 ^{gipa} December2024
ChildrenSunday	6 ^{gipa} Robibar	8 ^{gipa} December2024
ClergySunday	13 ^{gipa} Robibar	26 ^{gipa} January2025
YouthSunday	26 ^{gipa} Robibar	27 ^{gipa} April2025
MissionsSunday	32 ^{gipa} Robibar	8 ^{gipa} June2025
SeminarySunday	35 ^{gipa} Robibar	29 ^{gipa} June2025
SOCSunday	49 ^{gipa} Robibar	5 ^{gipa} October2025

